

文苑英華

八百七十一至八百八十

碑  
紀功  
隱居  
孝善  
遺愛  
臺  
陵廟  
祠堂  
祠廟  
家廟



文苑英華第八百七十一

碑二十八

紀功一

贈太尉段秀實紀功碑一首

西平王李晟東渭橋紀功一首

幽州紀聖功碑一首

贈太尉段秀實紀功碑并序

德宗

立人之道曰君與臣爲臣之義曰忠與節忠莫極於衛國  
節莫大於忘身存其誠德貫乎天地致其功用施于社稷  
獨斷勦兇慝之命沉謀安宇宙之危其智勇足以拯時其  
義烈足以弘教非昊穹錫慶敷佑皇家重振紀綱再激汙  
俗何遘迤之會而獲見斯人開府儀同三司校檢禮部尚  
書兼司農卿上柱國張掖郡王段氏名秀實字成公膺期  
降生扶翼唐祚稟陰陽之粹氣備剛柔之全德體正明道



從特卷舒蓄爲淳和發爲功烈朕宅帝位之五載孟冬十月賊臣朱泚反天悖人因時多虞乘我無備誘聚叛卒作亂于京師朕深惟罪已之誠遠遵避程之義駕自中禁狩于近坳賊陰謀爲奸揚言示順以公嘗任涇帥素得士心採諸衆情引以自助公感時悲憤思定大業謂復國安人由已不可以顧私謂開物變化在權不可以虛死略匹夫之褊介蘊曠代之宏規內貞其心外混其跡且控察元惡情狀將因而圖之賊果不疑委以心腹一作遽發兇黨謀襲我師公詭說以詞止之不可及疑作竊取官印假爲兵符急追寇軍不遠而復銷禍紓難陰陽若神于時物情危疑忠邪莫判卒乘未輯軍旅未完微公之謀吾幾茂濟既而密結勇敢誓殲寇讐決策剋期中外發應會賊泚召公計事引入閣中露其姦情言及僭竊公氣填胃臆植髮衝

冠仰天大呼玄鑿何昧孰爲臣子而忍是心語未絕音奮笏前擊兇徒敗面既躓而奔左右愕然初未敢動繼者不至事遂無成逆徒交鋒因而遇害嗟乎天生萬物唯人最靈稟元氣之精動五行之秀是宜守正居順移孝資忠君君臣臣父父子子各履於達道同臻于大和天乎不融生彼狂悖神乎不惠喪我忠貞靜言思之輟饋忘寐詳求其理抑有以焉茲朕不明敗德招損故列聖垂祐儆戒于予則泚之亂所以懲既往勗將來禮教陵夷風訛俗弊故上帝玄一作鑿聳動于人則段公之死所以勵當今傳不朽也訪彼前史稽諸昔賢全大節者不必成功建大功者或未立節非節不可以裨教非功不可以持危義實相須事難並備吉甫以文武翼周室宣王中興絳侯以智謀安劉氏文皇紹立茂功著矣而節未可稱董卓脇國以擅威伍



孚刺之而不畏王躬擁衆以稱亂周顛折之而無疑奇節  
偉矣而功竟不就至若屈伸合變進退知機智以遂其謀  
勇以怯疑其死功與特竝節與名偕中古已還無公儔比貞  
烈之至通於神明桀鵞聞之而動心仇雠感之而不怨死  
於義而義著忘其家而家全行路興悲懦夫增氣矧予之  
慟其可弭忘且人之所愛者身也國之所重者位也公能  
殺身徇國朕得不以重位報之哉乃詔有司冊贈太尉謚  
曰忠烈賜實封五百戶莊宅各一所嗣子授三品正員官  
諸子各授五品正員官表其門閭護其喪葬官立祠宇史  
載忠勲哀榮之典備矣君臣之義極矣公始以天寶四載  
奮筆從戎才爲特生官由才達得司馬戰陣之法參將軍  
帷幄之籌累典方州更踐臺寺出擁旄節入爲卿士位歷  
十七歲踰三紀封王列於異姓開府比於台司參職六官

食賦百室言不伐善慮常下人怕持信順之規因居疑悔  
之地利刃在手投即皆虛貞松有心老而彌勁吞大慙於  
方寸之內定危疑於晷刻之間力可屈而志不可遷身可  
殺而節不可奪所謂有始有卒爲臣之極致者歟日月有  
期宅兆云畢身歿功在凜然如生勒銘傳芳終古不滅以  
志吾過且旌善人銘曰

浩浩上天四序唯均氣或堙鬱過一作通爲災氛否不可終  
必復元亨洗以膏雨播之祥雲濟濟蒸人五常是則特或  
迤難乃生兇慝亂必有定允歸皇極拯以茂勳輔之明德  
勲德克崇茲惟段公實天降靈寧保朕躬日月蔽虧宇宙  
昏蒙罔然明誠獨誓深忠豺狼爲群狎狎逞志咆哮奔突  
乘我未備公飛尺符橫制醜類變化若神邦家不墜元惡  
大慙誘姦作狂竊器僭名反易天常公獨挺身奮擊暴強



烈烈英武歿而彌彰義振名教功存社稷贈極上台賞延  
真食省咎祇畏懷賢憫惻刻銘豐碑昭示萬國

西平王李晟東渭橋紀功碑

同前

天有柱以正其傾地有維以紐其絕皇王有輔佐以濟其  
艱難非命歷所歸不得生良弼非君臣相合不能集大勳  
非暴亂弘多不足表忠節非奸猾熾熾不克展雄才天與  
事一有君字四會然後臣功著而王業興焉高祖太宗拓跡垂  
統掃乾坤之沴氣一作氛拯生靈之塗炭其受命也正其布  
澤也寬六宗丕承克廣前列雖遇屯否化危成安二百年  
間五夷大難由內以正宸極者再自外而復都邑者三山  
岳降神雲龍叶契繼生賢哲保定邦家神龍中諸武擅權  
甚疑作其心間王室則有若扶陽王彥範等推戴中宗紹復洪  
業景龍末篡帝窺國瀆荼軋綱則有若徐國公幽求等左

右玄宗掃除兇穢天寶之季盜起幽陵翠華南征潼關不  
守廣德之際戎軼邠郊皇輿東巡鄴宮罷警則有若尚父  
子儀等殄殪醜逆冊肅宗于岐攘却蕃夷翊伐宗于陝建中  
四祀寇發上京暴蔑人神僭稱名器則有若西平王晟等  
剪滅大憝廓清中區惟茲數公異特同德道濟于社稷勲  
書於鼎彝唐之得人於斯為盛東渭橋抵王城東北四十  
里而國之廩積在焉始晟於此駐孤軍糾群帥俟時而動  
一舉成功予是用揚其美而紀其功以明事之有因謀之  
有素也粵若菲德嗣膺大寶化乖柔遠明不燭幽淮右賊  
臣提一作阻兵犯順憑陵汝服震壓洛師朕憫將吏之受汙  
哀烝黎之無訴罔思衛已姑務靖人亟發禁師東征不軌  
猶慮勝敵之未勇一作果乃徵涇師以繼之賊泚畜姦覲隙  
乘便餌誘貪卒翦結暴徒伺其不虞譟聚犯闕朕引咎出



次薄犯二畿封豕長蛇穴處宮廟磨牙噴毒噬螫害人晟  
時惣偏師遠戍河朔曾不俟召聞難駿奔鼓義勇仗順之  
師吞敗亡稔惡之寇雄威勝勢疾若飈馳屬賊帥昏迷恃  
衆貪亂誘我蠢賊連謀內逼朝廷載遷閩河重擾豺狼塞  
路昇澆爭驅人煙絕於井邑陰燐交於田野物情大駭盪  
然靡依晟乃設會軍門哭而誓衆國讐不滅無以身爲遂  
發 感激嗚咽流涕天地爲之變色將帥爲之動心軍中  
較然知有逆順晟乃一作度公積計私貨程賞典定刑章  
行令自身錄功先下由是勇者奮力智者効謀其氣增倍  
其心如一屹立堅壁于渭之陽姦逆畏威而震坦忠義奮  
氣而聳慕分二凶之勢不敢相附爲諸鎮之援俾得自堅  
晟之力也 二月守暨乎夏五月晟知衆心可用乃揀日饗  
士乙未陳師于東郊如虎唐如豹如熊如羆兇徒接戰累

合皆北倒戈棄甲罔敵我師乘而殪之摩壘而止戊戌方  
旭連營進攻賊衆相驚股戰魄駭登陴而不敢拒闔門而  
不敢窺晟杖鉞啓行執桴親鼓也隍墜排墻垣勝氣兆  
於風雲威聲振於原野指顧摧靡盪無孑遺布朝旨以寬  
脅從厲臣節以誅同惡乾軸傾而復紐皇維弛而更張遷  
梟聲爲好音變枚祲爲和氣然後開戎律整軍容不誼一作  
不諱有嚴有翼搜苑囿殄遺寇清宮門授彼有司宣言于  
衆曰龔行天討將以遏亂略去人害王師所至歌舞從之  
其或矜勇恃勳作威肆掠是則以暴易暴何賴焉懋功  
有恒賞違禁有常罰惟國之令典不得以贖論敢犯令者  
殺之無捨爰擇便地引軍出屯馬無錯群士必成列剋敵  
彌日都人莫知徐命有地之官同一作諭鄜里士庶聞巨  
得之殲殄而我師壺觴犒軍如恐不及若赤子之保慈母



涸鱗之赴洪波或欣而呼或感而泣吾是以知烈祖積德  
人懷其深賢臣佐時功濟斯美晟有興運之略有匪躬之  
誠有定亂之勲有禁暴之德俾予從人垂拱仰成乃用拜  
司徒兼中書令加實封一千戶錄功第一序位居首事業  
編乎史冊德耀流乎頌聲入爲夔龍出作方邵贊賀一作贊贊  
徽烈中外具瞻而晟居高牧卑辭滿守約崇讓而勲闕彌  
耀惡盈而福祿攸歸斯又明哲之規慎終如始者也夫制  
敵在謀不在衆感人以義不以威當天地屯蒙邦家離析  
援孤者踣黨勝者強群心囂囂靡所止戾若風動中野波  
騰滄溟從而極之豈易爲力于時馬不滿百駟兵不盈萬  
人無郡邑土田之資無城池險阻之固獨立不懼氣吞群  
兇以盡忠誓以必死厲已以大順率衆以至誠動天衆  
心攸同天意允答故措軍散地而不可拔致討勅寇而力

有餘國危能安軍勝能整古所謂備社稷者晟其當之播  
揚休風篆刻貞石俾厥後嗣無忘乃功銘曰  
赫矣我唐受天眷命祖功宗德浸澤儲慶窮海請吏遐荒  
稟令寧一九服惠康萬姓三五以還莫之與盛迨予不類  
辱守丕圖燭理匪時疑立誠未孚蠢爾孽臣崩茲潰徒震驚  
朕師黷穢皇都宇宙沸騰人神睚眦重以統戎誘姦同貫  
播遷斯載歲聿云半天既悔禍人胥馱亂乃錫元臣夷凶  
剪叛昏侵茫茫橫流湯湯迴然孤軍在渭之陽我城非完恃  
順爲防我旅非衆同心爲強由義率人人皆嚮方萬事疑  
如一爭先啓行拘憤求逞蓄威斯張力足勢全特惟鷹揚  
以戰則克以謀則臧指麾之間群醜潛亡鯨鯢既平宮室  
既清軍伍無聲都人不驚成功禁暴自昔稀有寔天生德  
彰于厥後洋洋令名茲爲不朽



幽州盧龍軍帥檢校尚書左集作僕射張公仲武往年修  
 獻捷之禮今歲有銘勲之請二者君子聽之豈不以諸侯  
 有四夷之功獻其戎捷春秋舊典也宗周納肅慎之貢銘  
 於楛矢天子令德也斯可以為元侯表可以為後代法聖  
 上嘉其勳而中禮乃命宰臣採其尤集本文粹作元功傳於傳史  
 臣德裕敢颺言曰夫兵者所以除暴害也愛人則惡其為  
 害禁暴則惡其為亂雖睿智不殺化之以神至德允懷招  
 之以禮然書有猾夏之戒傳有修刑之訓虞舜四征二本作罪  
 乃成大功文王一怒以至無侮非德教之助歟仁聖文  
 武章天成功神德明道大教皇帝熙我大二本文典煥而二  
 乎作光明極象外之微臻於至道鼓天下之動致於中和慮  
 必鈞深退而藏密故能神幾獨照伐未兆之謀威光遠震

制不羈之虜當其時也烽燧迭驚二本作警羽書狎至人心大

搖群帥二本作師沮氣皇帝以軒后之威神漢高之大略光武

之椎斷魏祖之機權合而用之以定王業此議臣所以延

延字二本望於清光也倬哉天地應而品物生君臣應而

功業成故龍躍而雲從鶴鳴而子和方叔伐獫狁蠻荆來

威安遠擊車師西域震服宜有良將殿于朔邊張公禮閱

戰器書成傳辭張仲孝友子孺塞泉二本作唐留落見漢書

流不耦光景未耀明主雅聞奇志持印而拜將軍遙推赤

心築壇而命元帥拔自雄武授之薊門果能精誠奮發策

慮悞憶二本作偏臆千里獻籌一心憂國則知龍顏善將任人

禦而不疑日角好謀歎敵國而強意回鶻者本北狄之裔

也或曰獯狁或曰山戎五帝所不能臣三王所不能制前

史載之詳矣暨薛延陀之敗也酋帥吐迷度率衆款塞太



宗幸靈武納降立迴鶻部落置瀚海都督因我封殖遂推

北方代集作是宗之戡內難也葉護以射鶻之士親扈戎旌

亦由羌壽率師以翼周北貊梟騎以助漢既滅大憖乃疇

厥功集作庸特拜葉護司空歲賜絹二本二萬疋厥後飾宗

女以配之立宮室以居之其在京師也集作淫祠雲構甲

第基布棟宇輪奐衣冠縞素交利者風偃挾邪者景附其

翎疑作侯貴種則被我文績帶我金犀悅和音猷珍膳竭

蠹上國百有餘年既而桀驚無親天命不祐僭侈極欲神

道惡盈本國荐饑畜產耗半點憂斯因利乘便遂焚龍庭

區文粹落蕭條陰燐青熒今之烏介可汗亡逃失國竊號

沙漠非我兩命自為假王其來也羨漫陰山二本睨高

闕玄塞之下氛霧蔽天質責主以前驅依大國而求援或

丐我米糒救其飢人或邀我甲兵復其故地外雖柔服內

有桀心因行人置辭徵呼韓故事願居光祿塞急保受降城

其下有二部曰赤心宰相那頡啜特勒赤心者天性忿鷙

戎馬尤盛初與名王盟沒斯首謀內附俄而負力怙氣潛

圖亂集作厲階為盟沒斯所給文粹誘以俱謁可汗戮於帳

下其衆大潰東逼漁陽上乃賜公重書問以方略公

以室韋悍函二本之兵近我邊鄙俾其偵邏且禦內侵尋

以徵役不供為虜所敗由是介馬數萬連亘幽陵伏精甲

於松櫨布穹廬於磧鹵散若飛鳥止如長雲火燎于原不

可嚮邇公激義氣以虹貫發精誠而石開竒計兵權密授

髦雋乃命介弟仲至與裨將游奉寰王如清左敵萬李居

慶張自榮高守素李志操率銳兵三萬建旆而前介胄雪

照戈矛林植命以義殉壯由師直聲隆隆而未洩欲逐逐

而不食戰以聽命嚴而有威公曰險道傾仄且馳且射胡



兵所以無敵也致之平原勒以方陣我師可以逞志也於是  
是據于莽平環以武剛首尾蛇伸左右翼張輕騎既合奇  
鋒橫驚如摧枯株如搏畜兔攝龍者弗取陸梁者盡二本  
仆虜侯王集作王侯貴人計以千數然後盡羅服聽悉數係二本  
作累谷靜山空靡有子遺橐駝馱馱風澤而散旃牆剝幕  
布野畢收馬牛幾至於谷量虜血殆同於川決徑路實分祭  
天金人奇貨珍器不可殫論乃命從事李周瞳馳傳上奏  
又命牙門將國從玃繼獻戎俘皇帝受而勞之群臣畢賀  
昔長平七征驃騎六舉竇憲令集作令氏羌之衆陳湯攬城  
郭之兵或生靈滅耗士馬物故文粹作痛傷或文粹無邀功救  
罪矯命專征然猶告類上帝薦功清廟顧視二漢不其惡  
歟以公威動蠻貊功在漏刻因命公爲東面招撫迴鶻使  
先是奚契丹皆有虜使監護其國責以歲遺且爲漢謀自

迴鶻嘯聚靡不歸張公命裨將石公緒等諭意兩部戮迴  
鶻八百人雖介子討罪於龜茲班超行誅於鄯善未足儔  
也迴鶻又遣宣闕二本將軍等四十七人詭辭結歡潛伺  
邊隙公密賂其下盡得陰謀且欲馳入五原大蜀本毆雜  
虜公逗留其使緩彼師期竟得人病馬瘠縮衄而退挫銳  
解紛繫公善計今烏介自絕皇澤莫敢近邊并丁零二本  
以圖安依康居而求活盡徙餘種屈意黑車寄託遠道流  
離飢凍黑車亦倚其威重迫脅諸戎造謀藉文粹兵解仇  
交質自謂約齎二本深入漢將取而未期渡漠二本輕留  
王師往而非利公以壯猷遠御集作長計羈縻不媮便嫌  
之使二本嫌二本便二本避二本終盡致集作敵集作之術將時動而得雋豈  
歲數而勝微矧乎明主杖集作將帥爲爪牙視戎狄爲田  
二本鼠二本彘方獵猛敵不翫細娛非周宣無以成邵武二本唐二本諱



之勲非漢宣無以聽營平之計曷哉上將光我中興公前  
後受降三萬人特勒二人可汗姊一人大本無都督外  
宰相四人其他裨二本王騎將不可備載王褒以日逐歸  
德稱爲人瑞班固以稽落盪寇大振天聲孰若天子神武  
百蠻震疊集作乘其蹙國集作臨以兵鋒刈單于之旗納  
休屠之附非萬里之伐無三年之勤魏乎成功輝焯後代  
宜刻金石以揚鴻休銘曰

大和之初赤氣宵興開成之末大第雲凝

二本作形雲暮凝

異鳥

南來胡滅之徵北夷颺埽厥國土崩逼迫遷徙震我邊鄙長  
蛇去穴奔鯨失水上郡二本薊門近集作連千里魯不畏

天猶爲驕子丐我邊穀邀我王師假我一城連彼幡旗歸  
計強漢卸支慢辭狼顧朔野伏莽見羸薦門之北羌我雜  
處戰戰群羊茫茫大鹵縱其梟騎驚我牧圍暴若豺狼疾

如風雨皇赫斯怒羽檄徵兵謀而泉默斷乃霆

二本雷聲沉

機變化動若神明沙漠之外

二本

虜無隱情漁陽突騎燕

歌壯氣赳赳元戎耽耽虎視金鼓誓衆于旄蔽地受命介  
文粹弟屬之大事翩翩飛將董我三軍稟元之制代帥之

勤威掠

二本

火烈胡馬星分戈迴白日劔薄寒

二本雲天

街之北旄頭已落絕轡之野虫尤未縛俾我元侯恢弘遠

略終取

集作

單于條之徽索陰山寢烽亭徽橐弓萬里昆

夷

集作

九譯而通蠻夷既同天子之功儒臣篆美刊石

垂鴻

文苑英華卷第八百七十一

登仕郎胡

柯

鄉貢進士彭

叔夏

校正



文苑英華卷第八百七十二

碑二十九

紀功二

平淮西碑二首

平淮西碑

韓愈

天以唐克肖其德聖子神孫繼承

集作繼

於千萬年做

新唐書

鎮傳

戒不怠全付所覆四海九州固有內外悉主悉臣高

祖太宗既除既治高宗中眷休養生息至于玄宗受報收

功極熾而豐物衆地大孽牙其間肅宗代宗德祖順考以

勤以容大慝適去稂莠不集作孽相臣將臣文恬武嬉習

熟見聞以爲當然眷聖文武皇帝既受羣臣朝集作唐書考圖

數貢日嗚呼天既付予今二本作天有家今傳次在予予不

能事事其何以見乎二本郊廟羣臣震懾走職二字集作

明年平夏又明年平蜀西川又明年平江東又明年平澤



潞遂定易定致魏博貝衛澶相無不從志皇帝曰不可究

集注武予其少息九年蔡將死蔡人立其子元濟以請不

許遂燒舞陽犯葉襄集有城以動東都放兵四劫皇帝歷

問于朝一二二本有外字臣皆曰蔡帥之不廷授於二本今五十

年傳三姓四將其樹本堅兵利卒頑不與他等因撫而有

順且無事大官臆決唱聲萬口和附并集注為一談牢不

可破皇帝曰維天維祖宗所以付任者庶其在此予何敢

不力況一二臣同不為無助曰光顏汝為陳許帥維是河

東魏博鄧陽三軍之在行者汝皆將之曰重胤汝故有河

陽懷今益以汝維是朔方義成陝益鳳翔廷慶二字唐書作

七軍之在行者汝皆將之曰弘汝以卒萬二千屬而子公

武集集本無往討之曰文通汝守壽維是宣武淮南宣歙

浙西四軍二字唐書作之行于壽者汝皆將之曰道古汝

其觀察鄂岳曰愬汝帥唐鄧隨各以其兵進戰曰度汝長

御史其往視師曰度惟汝集注有予同汝遂相予以賞罰

用命不用命曰弘汝其以節集注有都統討唐書軍曰守

謙汝出入左右惟汝二本作近臣其往撫師曰度汝其往

飲食二字唐書作衣服予士無寒無飢以既厥事遂生蔡人

賜汝節斧通天御帶衛率二本三百凡茲廷臣汝擇自從

惟其賢能無憚大吏庚申予其臨門送汝曰御史子閔士

大夫戰甚苦自今以往非郊廟祠祀其無用樂顏胤武合

攻其北大戰十六得柵城縣二十三降人卒四萬道古攻

其東南八戰降集有萬三千再入申破其外城文通戰其

東十餘遇降萬二千愬入其西得賊將輒釋不殺用其策

戰皆二本有功十二年八月丞相度至師都統弘責戰益

急顏胤武集有戰益用命元濟盡并其衆迴二本曲以備



十月壬申愬用所得賊將自文城因天大雪走走字二本

二十里用夜半到蔡破其門取元濟以獻盡得其屬人卒

辛巳丞相度入蔡以皇帝命赦其人淮西平大饗賚功師

還之日因以其食賜蔡人凡蔡卒三萬五千其不樂為兵

願二本有為農者十九悉縱之斬元濟集有京師冊功弘

加侍中愬為右二本僕射帥山南東道顏胤皆加司空公

武以散騎常侍帥鄜坊丹延道古進大夫文通加散騎常

侍丞相度朝京師道唐書封晉國公進階金紫光祿大夫

以舊官相而以其副摠為工部尚書領蔡任既還奏羣臣

請紀聖功被之金石皇帝以命臣愈臣愈再拜稽首而獻

文曰

唐承天命遂臣萬邦二本孰居近土藁盜以狂往在玄宗

崇極而圯河北悍驕河南附起四聖不宥屢興師征有不

能剋益成以兵夫耕不食婦織不裳輸之以車為卒賜糧

外多失朝曠不岳狩百隸怠官事亡其舊帝特繼位顧瞻

咨嗟惟汝文武孰恤予家既斬蜀吳旋取山東魏將首義

六州降從淮蔡不順自以為強提兵叫讎欲事故常始集作

命討之遂連姦鄰陰遣刺客來賊相臣方戰未利內驚京

師羣公集注上言莫若惠來帝為不聞與神為謀及集注

相同德以訖天誅乃勅顏胤愬武古通咸統於弘各走爾

功二本奏汝功各三方分攻五萬其師大軍唐書北乘厥數倍

之掌集作兵時曲軍士蠢蠢既剪陵雲蔡卒大窘勝集作

遂注之邵陵鄆城來降自夏入秋復集作屯相望兵頓不

礪二本告功不特帝哀征夫命相往釐士飽而歌馬騰於

槽試之新城賊遇敗逃盡相其有聚以防我西師躍入道

無留者願頌蔡城其疆千里既入而有莫不順侯帝有恩



言相度來宣誅止其魁釋其唐書下人蔡之卒夫投甲呼

舞蔡之婦女迎門笑語蔡人告飢船粟往哺蔡人告寒詔

賜二本作以本緡布始時蔡人禁不往來今相從戲里門夜開

始時蔡人進戰退戮今服蜀本而起左殄集作右弼為之擇人

以收餘德選吏賜牛教而不稅蔡人有言始迷不知今乃

大覺羞前之為蔡人有言天子明聖不順族誅順保性命

汝不吾信視此蔡方孰為不順往斧其吭凡叛有數聲勢

相倚吾強不支汝弱奚恃其告而長及汝父兄二本作而

奔走來借集作同我太平淮蔡為亂天子伐之既伐而飢

天子活之始議伐蔡卿士莫隨既伐四年小大並疑不赦

不疑由天子明凡此蔡功惟斷乃成既定淮蔡四夷畢來

遂開明堂坐以治之

同前

段文昌

夫五兵之設本以助文德而成教化故聖人不專任之其

有桀鰲暴和干紀作孽道德不服則兵以威之文誥一作

不諭則兵以靜之在禁暴除害而已自皇帝堯舜不能無

誅至湯武受命武功寔盛其本之以仁義行之以吊伐惟

帝與王率由茲道於戲創業之君勞而後定守文之主安

而忘戰故三代之衰功在五伯未有中葉之後再安生靈

前古所無歸于聖代我唐運之興也高祖太宗以仁義之

兵除暴隋之亂戎功祖武百代丕承玄宗嘗亦內剪姦邪

外清夷狄所以繼文之代協帝之明既而禍起於微亂生

於理由是隴驛之衆結固於兩河斤斧不用綿歷于五紀

肅宗代宗無此親剪大憝且務生育德宗順宗觀于天

象察於人事以理運未至沴氣猶凝運啓昇平以俟後聖

惟我后握樞出震端宸向明考上玄之心思祖宗之意掃



將區宇光啓帝圖不以萬乘爲尊四海爲富遵大禹櫛風  
之志有光武乙夜之勤以爲景擒七國而漢氏安成剪三  
監而周化洽焉有患難未去而德教可興日者李一作琳  
恃近狄之固劉闢憑坤維之險李錡保長江之衝從史資  
太行之阻四兇相挺一作繼爲亂常三數年間盡膏鉄鎖  
太尉茂昭以中山之地盡室來朝司空弘正以全魏之邦  
舉宗向闕義風所激莫不歸心况彭城從折簡之召一作名非  
橫海展執珪之覲向之談虞虢之存亡議輔車之形勢莫  
不剗心斷臂繼踵爲忠既而麟見於巴賓之間河清於鄘  
衛之際同本根一作固之既昭聖祚之符廓清寰海北於  
此矣而長淮右地連山四起控接一作扼吳楚密邇輳轅有  
上帝濯龍之池同冀方多馬之國戈鋌雪照駟駿雲屯二  
姓三兇憑阻作孽歲在甲午吳少誠積禍而斃餘殃聚於

逆嗣氛侵淮瀆我后方吊人省寃壘災除穢猶命使者持  
節往申寵賻以柔服之義示含弘之仁元齊劫衆拒境滔  
天肆逆剽葉縣燒舞陽侵襄城伊洛之間騷然震恐乃詢  
廷議咸願假以墨經授以兵符天子泉一作淵默以思霆  
馳以斷獨發宸慮不詢衆謀漢宣從屯田之議晉武決平  
吳之計至聖不惑羣疑自消於是會臬藻之師得鷹揚之  
帥以忠武二字一作中軍帥李光顏往者平朔邊靜庸蜀雙矛  
電激孤劍颯馳亦由馮異之惣軍鋒子顏之將突騎才氣  
椎武可掃攬槍惣魏博河陽郟陽凡三軍自臨穎而前以  
河陽軍帥烏重胤當從史內誅一作誅非邪謀外阻兵勢精誠  
奮發密一作獨應王師故得虜魏豹於軍中縛呂布於麾下  
識慮中正可革臬音益以汝海之地惣朔方義成陝虢劍  
南西川鳳翔延州寧慶凡七軍由襄陽而進宣武帥韓弘



請以子公武領精卒一萬二一作千時集回一作洞曲纒

書作帥鉞為戎右充國討虜印統支軍是能從帥之命成

父之志又以壽春守李文通夙精戎韜累習軍旅明於守

備可保金湯愬宣武淮南宣歙浙西徐泗凡五軍阨固始

之險以鄂岳都團練使李道古以先曹王臯有任城之武

昔征兗渠嘗取安陸授以戎柄嗣其家聲乘五閔之隘以

唐鄧隨帥李愬溫敏能斷靜深有謀昔趙孟慕成季之勲

復能霸晉亞夫紹絳侯之武亦克擒吳想其英徽必有以

似一作山南東道荆南凡兩軍自文成而東乃命御史中

丞裴度布挾纘之恩奉如絲之命以諭羣帥以撫輿師且

以古之會兵必謀元帥今歸於一勢不欲分命宣武軍帥

韓弘為諸道行營都統假陸遜之鉞拜韓信之壇指蹤一作

畫竒正之機發號申嚴疑之令然後有司馬之法成一無

節制之師而寒暑再罹賊巢未下又命內掌樞密之臣梁守

謙肅將天威盡護諸將懸白日於千里推赤心於萬人

由是甘寧奮升城之勇君文勵擊郾一作之志焚上蔡以

剪其翼拔郾城以扼其吭以軒后攻蚩尤之城一作殷宗

伐鬼方之罪周公誅淮夷之叛雖以聖討逆皆三年後定

百辟之議且謂久勞將決其機以安海內復命丞相裴度

擁一作淮蔡之節撫將帥之臣分鄧禹之麾旆盛實憲之

幕府四牡業業于藩于宣先是光顏重胤公武戎旅同心

壘垣齊列常一作蛇之勢首尾相從發胡騎之雄紛紜縱

擊逐餘孽如鳥雀獵殘寇似狐狸干矛如林一作行次

于回曲丞相之來也羣帥之志氣逾厲統制之號今益明

勢如雷霆功在漏刻賊乃悉其精騎以備回曲之師唐隨

帥李愬新摠傷痍之軍稍厲奔北之氣城孤援絕地逼勢



危而能養貌虎

唐諱

之威未嘗矍視屈鷙鳥之勢不使怒形

是以收文成柵如

一作而

降吳秀林下與橋而擒李祐果敢

多略衆以留之或謂蓄患不利吾軍翹誠明在躬秉信不

撓爰命釋縛授之親兵祐感繫之心出於九

一作萬

死縱橫

之計果効六奇粵十月既望陰凝雪飛天地盡閉翹乃遣

其將吏

一作史非

旻仇良輔留鎮文城備其侵軼命李祐領突

騎三千以爲鄉導自領中權

一作軍

三千與監軍使李誠義

繼進又遣其將田進誠領馬步三千以殿其後雲郊

一作郊

晦冥寒可墮指一夕卷布陵晨斬

一作破

闕鋪斬淮濱仍

執醜虜雉魏軍得田疇爲導潛出盧龍鄧艾得田章先登

長驅綿竹用制奇勝與古爲傳四紀逋誅一朝蕩定攄宗

廟之宿憤致黎庶之大

一作人

安周漢以還莫斯爲盛帝命

策勲進弘爲侍中光顏重胤並爲司空翹爲左僕射帥山

南東道公武加散騎常侍節制郾坊丹延道古進御史大

夫文通加散騎常侍王師獲金爵之賞環境蒙優復之恩

掩骼埋胔除瑕宥罪躋羣生於壽域還比戶於可封東西

南北無思不服丞相旋請來朝後加金紫光祿大夫封晉

國公乃眷淮濱蒸人生殖俾擇循吏撫其疾傷以宣慰副

使刑部侍郎馬摠領淮蔡之任天子議功雲臺追美將帥

俾刻金石以揚休勲而百辟僉謀羣帥克讓推義士之志

敢貪天功徵賢臣之言實在君德於是搢紳之士暨侯服

之臣上獻鴻名式昭徽冊然後光輝千古聲明百蠻詔命

掌文之臣文昌勒銘淮浦庶乎閱周雅者美宣王之中興

觀劔銘者戒蜀川之恃險銘曰

天有肅殺萬物以成雷風爲令霜霰爲刑君有武節四海

以寧陳之原野阻以甲兵在昔聖王格寧邦國武以禁暴



刑以助德牧除害馬農去姦賊苟非我功孰靜群慝明明  
我后神算精微九重獨運千里不遠宵衣肝食再安中寓  
始剪朔漠旋梟蜀虜丹徒縱淖白門縛布服茲四罪豈勞  
一旅淮夷怙亂四十餘年長蛇未剪環境一作騷然逮于  
孽童逆志滔天懷柔匪及告諭罔悛帝念生人乃申薄伐  
飛將鷹揚前鋒雷發齋壇命信靈旗指越我武惟揚袂氣  
一作妖氛未滅集于回曲決戰摧兇豹備一作臨晉維留杏中桓  
桓棄帥奇謀成功一作變無窮浮嬰暗渡束馬潛攻合以長圍  
絕其飛走布穴一作德滅妖升城獲醜商不易一作肆農安  
其畝回曲殘兵投戈束手帝嘉群帥賞不踰特畫社啓封  
珪組陸離泊于蠻貊服我英威刻之金石作戒淮夷

一作皆唐文粹

文苑英華卷第八百七十二登仕郎胡柯鄉貢進士彭叔夏校正

文苑英華卷第八百七十三

碑三十

隱居

隱居貞白先生陶君碑一首

梓州射洪縣武東山陳居士碑一首

孝善

唐善人墓碑一首

高愍女碑一首

隱居

隱居貞白先生陶君碑

蕭綸

夫夜光結綠非眩篋之相珍逸羽翔鱗豈園池之近玩寧  
期心於遠大蓋不知其所以然也是以潁陽高蹈洗耳於  
唐朝漢陰貞栖滅跡於周代盛德風流有自來矣應期而  
耀質者其在茲乎先生名弘景字通明本冀州平陽人也  
其先自帝堯陶唐氏之後胤堯治冀州平陽故因居止龍



馬見五色之符欽明表八彩之瑞光宅於天下允釐於庶職洪源夙遠系緒綿長漢興陶舍爲高祖右司馬子青翟位至丞相後至漢末南渡始居丹陽七世祖濬仕吳爲鎮南將軍荊州刺史祖降宋南中郎參軍事父貞實司徒建安王國侍郎並立履清約博涉文史先生含元精之和氣蓄陵巖之雅姿兼宣七善愬脩九德行仁蹈義嶽峙淵渟牆仞無以覩清濁不能測道風與星漢同高勝氣與煙霞共遠六歲便解書能屬文七歲讀孝經毛詩論語數萬言曼倩幼習典墳公幹少誦詩賦方之於古彼有多慙是以歧嶷流聲黃中著稱有鄉人得葛洪神仙傳見淮南八公諸仙事乃歎曰讀此書便使人有凌雲之氣於是寢輿諷誦晨夜不輟年二十七爲宜都王侍讀愬知管記事勝道求賢焚林招士朝難其選是日得人阮瑀之書記不足扶

衡孫楚之才辭何以捧轂齊代好治宮室方脩苑囿青溪舊觀更就起築仍奏表上頌辭事兼美邁彼樂職之篇踰乎景福之製帝省覽久之益以爲善除奉朝請恪居官次夙夜惟寅春朝秋請是棧樸者也先生本不希榮常欲辭退乃與親友書曰疇昔之意不願處人間年登四十志畢山藪今三十六矣時不我借知幾其神乎無爲自苦明年遂拜表解職抽簪東都之外解組北山之陽同稷丘之栖意慕留侯之却粒便具舟楫未言東邁朝廷錫問特賢錢別祖以二疎招茲四皓超然輕舉異世同符爾乃杖策孤征游踐山嶽既而至于句容登於茅嶺以此地神仙之宮府靈異之栖託往不能返遂卜居焉先生曰夫子云隱居以求其志行義以達其道吾聞其語未見其人我今義通無復其一請同求志之業故自稱隱居亦猶維川之抱朴



士安之玄晏倚巖栖隱依林遁跡交柯結宇剡徑爲門懸  
崖對溜悲吟灌木深壑絕藝文類聚作危峭組織煙霞枕石漱流

水禽無撓採藥耦耕野獸不亂逍遙閑曠放浪陵山一作丘

豁然若喪確乎難拔屬齊末道消天命既否水闕穀洛地

震由辰先生靜思冥數預識微兆於是近遠書問悉皆杜

絕昔乃聞之夏甫今則見之先生我大梁休運應期受天

明命三辰開朗四海寧謚先生奉表稱慶於是信問復通

自天監以來常有勅旨供給藥餌不乏歲時渥澤深恩莫

之與比先生七年暫游南嶽茲山也譬闡風之地軸若崑

陵之天鎮八桂傍臨九純間設樹有琅玕草生車騎遺世

獨往是用忘歸一十年有勅遣左右司徒慧明徵還先生

茅山別給解字軒后之降精一作情天老漢帝之致禮河宗況於

茲日弗能尚也養志山河多歷年所攝生既善冥祥亦降

猛獸不據魑魅莫逢庭無荆棘遠同闕里階吐神泉逕勤

於是羽人徘徊仙客上下鸞鳳游集芝英豐潤大造

佛像爰及寫經起塔招僧備諸供養自誓道場受菩薩法

夢登七地又得嘉名具以啓聞蒙勅許可葛玄之夢見開

士朱鸞之遠望遵儀何以擬茲通感足此徵應以大同三

年歲次景計其時當作丙辰三月壬寅朔日癸丑告別年化春秋

八十有一天子嗟惜儲皇軫悼有詔稱譽追贈中散大夫謚曰

貞白先生禮也以其月十四日窆于丹陽郡句容縣雷平山

若軒轅之葬衣冠如子喬之藏劍舄化於茲日可得偶一作紀

焉先生器宇凝深思識精贍含章貞吉不脩廉隅年將中

壽匪踰於矩眉目疏朗儀貌鮮潔實亡勸沮多行德惠悅

惜光景愛好墳籍篤志勵節白首彌至若乃淮南鴻寶之

訣隴西地動之儀太一遁甲之書九章歷象之術幼女銀



鈞之敏允南風角之妙太倉素問之方中散琴操之法咸  
悉搜求莫不精詣爰及卞射荀棊蘇卜管筮一見便曉皆  
不用心張華之博物馬鈞之巧思劉向之知微萬洪之養  
性兼此數賢一人而已門人怕法闔等慕遙風於緱氏繪  
遺像於橋陽勒玄碑而相質騰絳霄之流芳乃為銘曰  
留烏表化棄劍凝神徘徊紫氣照耀丹鱗厥跡猶在餘風  
可遵誰其嗣此淵哉淑人高行邁種盛德日新郎猶懸鏡  
鬱似貞筠身以弘道行不違仁昔游纓紱頤頤搢紳厭乎  
匡救勞彼問津亦既解組乃襲山中遠尋丘壑高蹈風塵  
情無緬世隱不隔真結宇依巖貞棲茂草水玉留年華精  
却老乃有令問兼斯壽考泉過危庭峯臨窈洞露凝蘭階  
雲生桂棟日斜欄席花落窻甕尚平未及王孫不旋海桑  
交易陵谷貿遷豐碑有樹遺烈無騫

梓州射洪縣武東山陳居士

集作故居士陳居

碑

陳子昂

君諱嗣字弘嗣其先陳國人也漢末淪喪八代祖祉自汝  
南仕蜀為尚書令其後蜀為晉所滅子孫避晉不仕居涪  
南武東山與唐胡白趙五姓置立新城郡部制二縣而四  
姓宗之世為郡長蕭齊之末有太平者兄弟三人為郡豪  
傑梁武帝受禪網羅英豪拜太平為新城郡守尋加本州  
別駕弟太樂太濛文粹作濛蒙下同濛為黎州長史督護二字集作都督護  
南梁二郡太守太樂為本郡文粹作州司馬即君之高祖父也  
生曾祖方慶好道不樂為仕得墨子五行祕書集有隱于而字  
武東山生烈祖湯仕郡為主簿遇梁季喪亂避世不仕生  
皇考廣文粹無此字迴迴早卒君即迴之第二子也少孤而有  
純德恭已飭二本作飾行一日三省家世本以清白崇德迨君  
之孤素業空矣君有仁兄養母以孝君克順至行同勤苦



節夏不避暑冬不避寒丞丞服事行年四十有五入則孝  
出則悌謹而信汎愛衆而親仁無餘力也以是不優於道  
逮親終沒春秋已高從仕二本不可以養矣乃輟干祿之  
學脩養生之道山臺高居農野永歲雅聞漢有王丹者放  
居不仕家累千金以自奉田稼勤者載酒肴從之鄉里承  
化以相懲沮乃歎曰彼王丹者是以集無爲政矣奚其爲  
爲政也由是始考林澤闢良田習山書務農政天道特變  
地道化成丘陵泉文粹數星歲雲物靡不用心也文粹無  
原田萐萐粳黍稷稷文粹汶陽之稼如雲矣春日二  
也載華歲聿其秋白露將降百穀收熟君常乘平肩輿省  
農夫饋田畷刑以肅墮悅以勞動若孫吳之用兵鷙鳥之  
博擊也倬彼碩文粹田歲收取十千倉廩實崇禮節恤惻寡  
賑窮乏九族以親之鄉黨以歡之居十餘年家累千金矣

其鄰里有媮衣食帶刀劍椎埋胠篋之類鬪雞走狗之豪

莫不靡下風馴雅業文粹曰里有仁焉吾何從文粹

有之也遂頓浮窳之節肅恭儉之規修孝悌飭二本廉耻

將欲較居二字之素業也君時年已耳順素無經世

之情林園遺老玄默忘歲遂保先君武東山之故居行不

由徑非公事未嘗至於州縣也昔襄陽有龐德公谷口有

鄭子真東海王霸西山蜀才皆避集有世人養德退耕集

以求志軒冕不可得而羈憂患不可得而累迨于我君作

者五人矣於戲古者至人不利苟得不務近貴量腹而食

度身而衣非其道萬鍾不足豐也匪二本其榮五鼎不足

飪也躬勤耕稼植其杖而耘不答子路之問者其集無豈

我君之徒歟綿綿羅網冥冥高鴻趯趯竹竿穆穆幽龍其

與禍敗之遼絕胡楚集無越文粹哉然則兩龔不免於



蘭焚二老不免於薇歎其近貴利耶夫上無憂悔下無飢

寒合集作道以制嗜慾達命以順生死仁以愛身智以

養德德俾爾耆而艾俾爾昌而熾君子保之以永壽考非

我君者文粹無乎享年八十五太歲壬辰五月十三日考

終厥命臨終誠曰啓余手啓余足我聞古人有言珠玉而

瘞之是暴骸於中原也古者不封不樹後代聖人易之以

棺槨吾不敢違聖人可具棺槨而已斂以常服墳無丘壠

吾將度幾以奉先人之清業也有子某乙等皆能祇奉遺

訓聿從先志長壽二年龍集癸巳某月某朔日亥月載踰

卜兆特吉始啓殯昭告奉遷於舊壙武東山之陽禮也鄉

里會葬者千餘人皆涕泣號慕悲純德之不見咸曰君子

沒矣仁文粹何以名陵壑集作不朽匪唯頌聲小子不敏

謹文粹述鄉人之教其辭曰

肅肅我祖國始於陳中喬淪喪洎集作此江濱山川隆鬱

旂鼎二本盪挺生君子集作於鑠元真唯孝肅悌唯

仁善鄰樂我耕稼忘我搢紳芸芸二本田藪歲也其春

農事方作二本君子犒勤孰爲夫子植杖而耘弋者

何慕集作鴻冥集作高雲楚狂懼世夷叔求仁良圖文粹

終矣不考于身我異於是非隱非淪撫化隨運安排屈伸

大二本年既沒長夜何辰聖達不免宇宙同塵桐棺三寸

豈我窶貧自古有禮文粹吾從聖人嗟爾百代子子孫

孫驕奢自咎天道無親思我松柏恭儉是遵

孝善

有唐善人墓碑

白居易

唐有善人曰李公公名建字杓直隴西人魏將軍申公發

公十五代祖也周柱國陽平公遠六代祖也綏州刺史明



高祖也太子中允進德曾祖也綿州昌明令珍王大父也  
雅州別駕贈禮部尚書震考也贈博陵郡太君崔氏妣也  
陳許節度使禮部尚書遜兄也渭源縣君房氏妻也容管  
招討使濟外舅也長慶元年二月二十三日夜無疾即世  
于長安修行里第是歲五月二十五日歸柩于鳳翔其縣  
某鄉某原之先塋春秋五十八有二女五男曰訥朴恪慤碩  
公官歷校書郎左拾遺詹府司直殿中侍御史比部兵部  
吏部員外郎兵部吏部郎中京兆少尹澧州刺史太常少卿  
禮部刑部侍郎贈工部尚書職歷容州招討判官翰林學  
士鄜坊集作州防禦副使轉運判官知制誥知集作吏部選  
事階中大夫勳上柱國爵隴西縣開國男有史官起居郎  
渤海郡集無此字高鉞集作鉞作行狀有翰林學士中書舍人河  
南元稹作墓誌有尚書主客郎中知制誥太原白居易作

墓碑大署其碑曰善人墓善人者何公幼孤孝養太君太  
君老疾常曰後子勸吾食吾輒飽勸吾藥吾意其疾瘳後  
子公小字也及長居荊州石首縣環其居數百家凡爭鬪  
稍稍就公決公隨而評之寢及鄉人不詣府縣皆相率曰  
請問李君公養有餘力讀書屬文業成與兄遜起應進士  
俱中第爲校書時以文行聞故德宗皇帝擢君翰林翰林特  
以視草不詭隨退官詹府詹府時以貞恬自處不出戶輒  
踰月鄜帥路怒高之拜請爲副在鄜特有非類者至以  
病去爲御史時上位有過集作過其行事者作謬官詩以  
諷爲吏部郎中時調文學科暨吏課高者得無停年又省  
成勞文集無文字急成狀限繇是吏集作史輩無緣爲姦詭集作詭  
今選部用其法知制誥時筆削間有以自是不屈者因請  
告改京兆少尹時與大尹議歲減府稅緡十三萬在澧時



不鞭人不名吏居歲餘人人自化在禮部時由文取士集作生非  
不聽譽不信毀公為人質良寬大體與用綽然有餘裕為  
政廉平易簡不求赫赫名與人交外淡中堅接士多可而  
有別稱賢薦能未嘗倦好議論而無口過遠和諛而不忤  
物其居家菲衣食厚賓客敬兄嫂禮妻子愛甥姪初先太  
君好善喜佛書不食肉公不忍違其志亦終身蔬食自八  
九歲時始諷詩書日三百言諷畢盡得其義善治集作理王氏  
易左氏春秋前後著文凡一百五十二首皆諧理撮要詞  
無枝葉其卓然者有詹府司直比部員外郎廳記請雙日  
坐疏與梁肅書上宰相論選事狀秉筆者許之薨之日不  
識者惜識者歎交游者出涕執友者慟夫如是其善人乎  
傳曰善人國之紀也語曰善人吾不得而見之矣噫善  
人之稱難乎哉獨加於公無愧焉銘云

古者墓有表表有文顯其行省其文故季札死仲尼表其  
墓曰君子今吾喪李君署其碑曰善人嗚呼李君有知乎  
無知乎君之名與此石俱

高愍女碑

李翱

愍女姓高妹妹名也生七中歲當建中二年父彥昭以濮陽  
歸天子前此者有二字集質妹妹與其母兄者集作使彥

昭守濮陽及文粹彥昭以城歸妹妹與其母兄皆死其母

李氏也將死憐妹妹之幼無辜請獨免其死而以爲婢于

官二字文皆許之妹妹不欲曰生而受辱不如死母兄集

且死皆不免何獨生爲其母與兄將被刑咸拜於集作四方

妹妹獨曰我家爲忠宗族誅夷四方神祇尚何知問其父

所在之方西嚮哭再拜遂就死明年太常謚之曰愍當此

之時天下之爲父母者聞之莫不欲愍女之爲集有子也



天下之爲夫者聞之莫不欲愍女之爲室家也天下之爲女與妻者聞之莫不欲愍女之行在其身也昔者曹娥思肝自沉于江獄吏嗔囚章女悲號思唁其兄作詩載馳緹縈上書迺除肉刑彼四女或孝或智或義或仁噫此愍女厥生七年天至集作生其知四女不倫向遂推而布之于天下其誰不從而化焉雖有逆子必改行雖有悍妻必易心賞一女而天下勸亦王化之大端也異哉愍女之行而不家聞戶知也貞元十三年朔在汴州彥昭特爲穎州刺史昌黎韓愈始爲余言集有字余既悲而嘉之於是作高愍女碑

文苑英華卷第八百七十三

登仕郎胡柯

鄉貢進士彭

叔夏

校正

文苑英華卷第八百七十四

碑三十一

遺愛

河西節度使杜公碑一首

義武軍節度使張公遺愛碑一首

高陵令劉君遺愛碑一首

河西節度使杜公碑

楊炎

周有召伯樹王風之始漢得留侯稱佐命之傑功赫於帝典名鏤於河圖維唐之受命大殪戎于西州皇帝感蹟武之風思二南之化詢求卿士惠澤窮荒乃命兵部侍郎杜公名鴻漸自河登車主盟西塞公英明博達淳粹先覺碩德漢庭之老中興佐命之勛體合一氣精合五老伊昔皇運中否河海風塵天子方僞游北門之野公負霸王之略感社稷之危緬懷風雲以身許國隱括王道傍觀曆象謂



宇宙不可終閉兆庶不可無君龍吟空山雲起大澤進昌  
言以悲世難告天命以成帝業日昃盡一作蝕載之高懸  
鯨鯢躍波戮而為醢一作也秦疑作嚮天之樂儒也觀嗣夏之  
書故登朝為夔龍纂戎為方邵至於是邦也清其心而妙  
其用後其惠而感其和與物也氣之陽春含靈也工之橐  
籥以為獷俗

不足以勸

賞故先悅以茂功貪人不可以害羣故問罪以去姦訛言  
不可以疑衆故畢詞以為戮於是八蕃以之匍匐三師以  
之投襃疑羣盜以之出奔巫人以之伏死古之作者不貴成  
功貴以德不憚濟世憚失仁樂生下齊明道者謂其強孫  
武講軍事上者知其固西門禱河明刑者恨其暴子玉佐  
楚治兵者慮其剛而公刑體兼才智周乎萬類之變嚮合  
乎四會之中是神降歟詩云愷悌君子民之父母其來也

丘陵如無其去也風雨可懷故吏兼侍御史唐朝英洎邑  
老其州長吏陳奉先等以交耳目馨香託之篆刻庶乎觀  
斯文者有襄南之慕頌遺美者深穎上之風銘曰  
或或杜公蚪蟠于奧人美其華我覩其操王用暮畫大以  
邦造三錫輅車纂戎之號威肅惠時明神所勞何彼塞翁  
靡人仁報徘徊頌石永代作好

唐故義武軍節度使營田易定等州觀察處置  
使開府儀同三司檢校司空同中書門下  
平章事符陽郡王贈太師貞武張公遺愛碑

銘并序

權德輿

維唐十一葉皇帝纂大統建大中始初清明敷佑下土稽  
四征六服之理閱先正宗臣之籍流慶斯復遺風可懷繇  
是博陵上谷列侯二千石元僚司武從事亞旅上其故府



太師貞武公功德請銘于碑以示厥後乃昭小司徒臣德  
輿因地域之名物酌軍師之憲令舉而叙之云公諱孝忠  
字孝忠其先燕人八代祖竒北齊右北平太守封右北平  
王齊季喪亂實開邊隙代有長枝軼於外區曾王父靖乙  
失活部落節度使王父遜部落刺史父謚早襲先職來朝  
上京星環北極輪君長之誓幣鵬變南溟發邊關之導譯  
拜開府儀同三司他日以公之勤累贈至戶部尚書公確  
姿正志沉毅英達傳兵符於百勝襲王爵於九代年未弱  
冠入侍明庭才爲異倫射必命中以日殫之信愛受秦仲  
之車服自他有耀至是來歸時玄宗御天下四十餘載習  
文事而去武備人不知戰恬於已然幽陵首禍穀洛恇駭  
公跡染汙俗心堅本朝豈求生以害仁將蹈難以明義史  
籍繼亂猶居劫中質其所恃無路自奮問道旁午密陳嘉  
猷俄而成德軍節度李實臣錫姓撫封同信臣之任就義  
若渴推心於公綜其都軍以壯支郡乃策崇勲累居大官  
凡軍師之禁令攻守之竒正成德之重必咨於公鄰師猖  
蹙皇赫問罪公出自上谷覘于具丘寇徒六萬將犯中冀  
乘轅外嚮方陣而前公以駟介千數騰馳急擊突入其阻  
夾攻其堅敵人力屈昏夜引去遷御史中丞封符陽郡王  
尋拜易州刺史加太子賓客以軍之輯睦移於郡以郡之  
班制叶於軍文理武毅交脩四暢師貞人餘爲列郡表儀  
初公與實臣感繫於少年之場周旋於多難之際迎導  
善氣切劘良規若驟有靳如熟斯濯異時自代前定於  
公且曰輿師之心也勲力之冠也俄然寢疾瘖不能言猶  
以手指北矐然注目既而惡子阻命陰交匪人因喪以干  
紀專地而圖禍公驟諫不入飛章上陳請以州兵首遏亂



略優詔拜工部尚書兼御史大夫恒州刺史成德軍節度使一人注意四履專征糾合諸侯連收城縣敗之於東鹿走之於常山以至斬首且無遺策轉兵部尚書易州刺史易定滄等州節度觀察使錫軍號曰義武時三分恒陽之地錄功有差而羣帥多心或懷缺望太行而東疆場日駭且有從約皆爲假王公居其腹心守正持重玉立於磷緇之際雞鳴於風雨之中靜柯勁草在我而已彼朱滔者以燕啗公夸大煽結講張指斥公乃出和門以莅衆援皦日以誓心義利之間死生不惑且曰縣官之所以賦軍宿兵下尺一之詔者在排難捍集作患而已吾徒之所以乘堅驅良佩丈二之組者在畢力致命而已碎首塗地吾無悔焉一心事君四面受敵俄屬京師急變鑾輅時巡特太師西平王以禁兵自魏來援于我於是與公決策赴行在所

公素約以伯仲又申之婚姻分銳師選良將受以赴蹈使居顏行斷金之契匪石不轉定山東爲已任坐制羣疑清轂下爲前籌行戡大愍赤誠相照血涕交頤西平繇是建大勳立大烈而公亦靜深以制動貞厲以伐謀使其徒集作從散約而無亡矢遺鏃之費者公之功也前此拜尚書左僕射至是同中書門下平章事貞元元年就加司空凡授律行師十有一歲承寧諸侯滅黜不端動有節制人斯愛戴贍助其供養賻補其禮喪拊循接禮勞徠安輯幅以正德而不怵於邪濟以守忠而不回於利章灼卓異有初有終其居涼國太夫人憂也手植松檟倚廬於墓感致瑞祉詔旌其門終身之哀加人一等不遺故舊皆以器使戲下多善吏庭中無留事雖古人之威懷無以過焉春秋六十二以七年三月感疾薨于位德宗皇帝不視朝三日用贈太



傳詔郎吏弔祠法賻有加其後累贈太師易曰貞武追封  
上谷郡王易之大有曰信以發志禮之中庸曰誠之不可  
揜惟公推本於是闡然而彰德宇弘大色容厲肅長才經  
武竒表出倫喬枝憂雲以直上雄劍發匣而耀穎始以天  
寶十載受詔即戎授范陽郡洪源府右果毅破九姓突厥  
改上黨郡漳源府折衝軋元初轉左領軍衛翊府左郎將  
實鎮飛狐之地實應中拜左武衛大將軍加金印紫綬歷  
左金吾大將軍兼太僕卿殿中監以至于專席賓護剖符  
建牙載居六官乃進左揆燮和鼎鼐平理水土真食大封  
異姓而王積功伐以崇厚履信順而光大壯武之後遠繼  
公台富平之門時推德器豈徒然哉嗣子今司徒同中書  
門下平章事延德郡王茂昭以全才休績保大宣力戴翼  
天子撫征諸侯常以工部尚書建撫博陵以刑部尚書循

方伯之職特詔所理郡爲大都督府歷左僕射司空丞居  
代官南北軍衛爪牙上將同氣分職寵冒一時侯王則銀  
黃相映子弟乃金埒對起流光貽訓其信矣乎二十年延  
德王以介圭四牡來朝京師德宗沃心嘉歎宴喜蕃錫如  
韓侯申伯故事順宗繼明崇德報功及居台宰進掌邦教  
躬喻還鎮涕洟就途今皇帝以道御天下燭明理本間歲  
再入覲爲守臣龜龍乞留京師以奉朝請堅若金石激於  
肺肝服覲王家丕赫宸睟感念勳節顧懷義方直以鄭武  
公相公漢常平父子古先懿鑠舉集公門二邠幼艾千夫  
長百夫長沐浴風烈怵惕慕思是儀古式以求耀斯不朽  
之事也拜君命之辱而傳信焉銘曰

天秉日星亦有風霆君用文德亦資武力太師矯矯生我  
王國時或艱屯師惟壯直大蹇朋來其心不回好謀而成



義路乃開博陵上谷地直耕水既夷狡童則理長轂威謀  
抗厲命賜渥緝回回盜衆嚙嚙嘉玉凡我所履與之豐福  
士皆賈餘人以仰足凋戈衮章裕此一方追錫弔祠禮優職  
喪司徒襲慶道叶仁聖三朝戴君皆受四命觀禮煌煌嘉  
猷洋洋湛露彤弓威儀有光甘棠蔽芾邵伯所總緇衣改  
爲鄭國之詩仍代洪集作休烈知人戴之末言寘懷乃刻斯碑

高陵令劉君遺愛碑

劉禹錫

縣內之大夫鮮有遺愛在其去者蓋邑居多豪政出權道  
非有卓然異績結于人心決于骨髓安能久而愈思大和  
四年高陵人李仕集注作上清等六十三人思集作貝前令劉君  
之德詣縣請金石刻之縣以壯申于府府以狀考于明法吏  
吏上言謹按實憲詔書凡以政績將立碑者其具所紀之  
文上尚書考功有司考其詞宜有紀者乃奏明年八月

庚午詔曰可今書其章明有以結人心者揭于道周云涇  
水東行注白渠醜而爲三以次閼中故秦人常得善歲按  
水部式決洩有時畎澮有度居上游者不得擁泉而潁其  
腴每歲少戶一人行視之以誅不式兵興已還寔失根本  
涇陽人果擁而潁之公取全流浸原爲畦私開四竇澤不  
及下涇田獨肥他邑爲枯地方集作力既移地征如初人或  
赴訴泣迎尹馬而占涇之腴皆權倖家縈勢足以破理訴  
者覆得罪繇是咋舌不敢言吞克銜忍家視孫子長慶  
三年高陵令劉君勵精吏治視人之瘼如煙集作標疽在  
身不忘決去乃循故事考式文暨前後詔條又以新意請  
更水道入于我里請杜私竇使無棄流請遵田令使無越  
制別白織集作織悉列上便宜掾吏依違不決居二歲距寶  
曆元年端士鄭覃爲京兆秋九月始具以聞事下丞相御



史御史屬元谷實司察視持詔書詣渠上盡得利病還奏  
青規中上以谷奉使有狀乃俾太常撰日京兆下其符司  
錄姚康士曹掾李紹實成之縣主簿談孺直實董之冬十  
月百衆雲奔憤與喜并口謠力集作手運不屑擊集作擊鼓揆  
功什七八而涇陽人以竒計賂術士上言白渠下高祖故  
墅在焉子孫當恭敬不宜以畚鍤近阡陌上聞命京兆立  
止絕君馳詣府控告具發其以賂致前事又謁丞相請以  
顙血汙車茵丞相彭原公歛容謝曰明府真愛人陛下視  
元元無所恠第未周知情偽耳即入言上前翌日果有詔  
許訖役仲冬新渠成涉季冬二日新堰成駛流渾渾如脉  
宣氣蒿荒漚冒逆招集作是斯釋集作釋閼塞分寸皆如詔條有  
秋之期投鍤前定孺直告已事君率其寮躬勞徠之烝徒  
謹呼奮襍襖而舞咸曰吞恨六十年明府雪之槩姦犯豪

卒就施焉嗚呼成功之難也如是請名渠曰劉公而名堰  
曰彭城按股引而東千七百步其廣四尋而深半之兩涯  
夾植杞柳萬本下垂根以作固上生材以備用仍歲旱沴  
而渠下田獨有秋渠成之明年涇陽三原二邑中又擁其  
衝焉七堰以折集作折水勢使下流不厚君詣京兆索言之  
府命從事蘇特至水濱畫撤不當擁者繇是邑人享其長  
利生子以劉名之君諱仁師字行輿彭城人武德名臣刑  
部尚書德威之五代孫大曆中詩人商之猶子少好文學  
亦以書書字集于東諸侯遂叅幕府歷戶劇縣皆以能事  
見陟卒不特而遷既有績于高陵轉昭應令俄兼檢校水  
曹外郎充渠堰副使且錫朱衣銀章計相愛其能表爲檢  
校屯田郎中兼侍御史幹池監集作幹于蒲錫紫衣金章  
歲餘以課就加中中字集作執法理人爲循吏理財爲能臣



一出於清白故也先是高陵人蒙被惠風而惜其捨去發  
于胃懷播爲聲詩今采其旨而變其詞志于石文曰  
意涇水之逶迤溉我公兮及我私水無心兮人多僻錮  
上游兮乾我澤時逢理兮官得材墨綬葉兮劉君來能  
愛人兮恤其隱心既公兮言既盡縣中府兮府聞天積憤  
刷兮沉痾瘞割新渠兮百畎流行龍蛇兮止膏油遵水式  
兮復田制無荒區兮有良歲嗟劉君兮去翱翔遺我福兮  
牽我腸紀成功兮鐫美石求信詞兮昭懿績

文苑英華卷第八百七十四

登仕郎胡柯 鄉貢進士彭叔夏 校正

文苑英華卷第八百七十五

碑三十二

臺

攀龍臺碑

李嶠

粵若太極始構網緼含五氣之精元胎既分鼓舞立三才  
之位由大朴而觀成象自流形而臻物備因乾坤之變化  
相后辟之經綸則知肇創雲雷非一聖之事奄荒區夏由  
浸昌一作崇之業是以岐鄴受命武王戰商野之戈譙亳開  
基文右遷漢宮之鼎若乃提六合之樞紐扣二儀之鑄鑪  
日月既出方利見於通三風雲未知一作和尚勞謙於初九  
蓄宏圖於綠鶴用伊尹事之邸垂慶緒於斷鼈之運屈伸應物  
而無累於時進退隨方而不違於道非聖人之眷智其孰能  
於此乎大周無上孝明高帝諱某字某太原文水人也先其  
出自周平王少子有文在其手曰武因以姓氏居沛之竹邑



晉尚書僕射開府儀同三司薛侯陔其後也六代祖洽仕  
魏封於晉陽食菜文水子孫因家焉夫其受氏中古開階  
上業軒轅以青龍進駕配永循機少昊以玄鳥名官脩方  
正度高辛之首戴干盾后棄之躬勤稼穡或四妃分孕隨  
肩執天下之圖或三聖連衡踵武司域中之契宗支繼明  
而龍嘉帝載重熙而累洽雖七百休祚暫遷於質文而九  
五尊名復光於曆數自非慶鍾長發神應遠期人鬼贊其  
謀獻乾坤扶其統緒豈能出入百代周旋萬曆至道淳風  
未昏而已且洪鑪大寶既舊而還新家纂迺日之符門傳  
配天之業環三辰於斗極不足比其崇高灌四瀆於滄溟  
未能傳其深遠若夫振砥育德屈道不王烏奔於昭穆之  
間頡頏於公卿之位蓋詳諸博史可得而略高祖成皇帝  
宏才碩量經文緯武曾祖章敬皇帝達學通儒金聲玉振

大父昭安皇帝心具道德志挾九區顯考文穆皇帝理會  
幾神名高四海帝即文穆之第四子也母文穆皇右掌祈  
晉祠於水濱得文石一枚大如鷲卵上有紫文成日月兩  
字異而吞之其夕夢日入寢門光耀蒲室已而懷孕遂產  
帝焉及載誕之宵夢人稱唐叔虞者謂后曰余受命于帝  
保護聖子驚寤而帝已生明日紫氣氛氲覆冒其城此一無字  
上俄而化爲五色鬚髯若文繡之衣左右親賓莫不駭異  
及長龍顏方面身長八尺背有黑子象北斗之形昔者禱  
于郊禱拾卵而興王業游乎溫洛吞珠而立帝期疑譙宮誕  
而青氣發祥猗殿生而丹儀授彩亦有御蘭感夢皇天之  
命伯儵剪葉開封上帝之名太叔咸躋未然之兆竝獲將  
來之應猶不能比蹤神貺埒美聖符况乃龍顏武肩帝王世  
龍顏有含良春秋元命苞文王之骨法戴鈴懷斗似高密禹之字也  
虎肩四乳是謂含良紀文王出世紀之容



狀是故生而聖智幼而聰達敏給於論天之始徇齊於對日之初甫及勝衣究緹紉之願疑作逮乎束髮殫擊悅之巧淳深孝悌之性闡發天機弘裕仁慈之風匪因師習太后嘗被重疾不愈經時帝扶持起居品嘗藥物僅踰蒼野秤象之歲未及子建誦詩之年履不正紉衣不解帶及丁荼蓼號慕嘔血七日無水漿之膳三年罷鹽酪之滋扶杖而行殆至毀滅雖孝文之服勤累載高宗之諒陰三祀無以加也常有節罕營小方志立功名而不求苟得心重氣俠而動循常憲道德深富規模弘遠曠心將江海齊逸宏量與宇宙同寬是以單父通人識其殊異之表大梁奇士許以霸王之略文穆皇帝一作則哲之鑒恒易其難惟幾之神每前其用嘗從容謂諸子曰吾家累仁千祀積德重葉餘慶所及宜在子孫今觀汝曹悉王佐才也然草創經綸之際聖賢馳務焉之

秋騰嘯而馭風雲叱咤而成功業其在士獲耳以如天之聖用知子之明隱括所在錙銖不謬豈如趙和謀嗣唯驗於藏寶楚國擇才更憑於埋璧及文穆之棄代也帝廬于墓塋負土成墳手植松柏喪紀之節復如居穆后之哀有芝草生于廬前群鳥一作雀數萬銜土集於墳上山中舊多猛獸行李艱阻至是皆逃竄絕迹時人以爲純孝之感焉隋高祖雅聞帝名屢加辟召友人同郡叔孫賀博通之士也陰陽數術無所不該謂帝曰公狀貌非常但玉理未發耳終居人上勿爲事先帝亦知隋統將終乃稱疾不應漢王諒以戚藩之重作牧太原乃親率官寮造門致禮深加躬諭逼令進發帝不得已起應明敷至仁壽宮屬隋文帝寢疾有勅館于內史省以須後命帝高名宿望傾動當朝承風仰流揖拜無地衣冠如宗海之赴士庶均在田之觀



司空觀王雄左僕射楊素吏部尚書牛弘兵部尚書柳述  
咸與抗禮延登首席中郎之下迎王粲計吏之長揖袁逢  
千載風流復存斯舉帝風儀偉麗占對詳明朝端改容左  
右屬目雄等素欽才辨欲探闥奧爭出異同互與名理而  
洪鐘有虛受之量明鏡體不疲之德詞同炙輶應若扣機  
立定唯黃既堪羸疑后前膝坐離堅白足使田巴杜口觀  
王既特相欽慕牛弘亦深加敬異竝虛心降節投分申交  
而楊素負才耻已不若雖外示接引而內懷猜忌乃私謂  
觀王牛弘曰吾觀武氏風骨實有英雄之度今太平無事  
安用此人不加除之王等不答而柳述又潛遣相工視帝  
知之深不自安會隋文帝崩因移病出外素等以爲僞迹  
從此欲構禍端賴觀王牛弘營護得免漢高以英威冠代  
取忌范曾漢書劉主以倜儻出群見疑曹操比方前事有若合

符帝既脫網羅深自隱匿雖室家追訪猶見碭山之雲而  
屢里去還下一作就丹陵之日辭杜城之弋獵罷雷澤之  
漁釣獨覽前志長懷古人有行高於時有行疑濟於物輒慷  
慨擊節殷勤留想便欲冥道契於一朝託神交於千載墳  
簞唱和自多耐萼之觀疑風景遊遨無乏林泉之興歲將晏  
也龍蟠鳳戢者久之大業七年煬帝徵天下精兵會於涿  
鹿將親授節鉞以伐遼左旌旗亘於千里轉運盈於萬軸  
閭閻失業郡縣不安帝謂諸兄曰夷狄不賓肇於上古自  
當置之度外耳未有紆萬乘而讎小忿擾群生而赴非急  
夫兵猶火也不戢自焚禍亂之萌從此始矣既而六師魚  
潰九野鴻飛竟兆天亡之徵卒成土崩之勢帝於是慨然  
有志方思濡足乃討論兵法商推將率上自黃帝下訖有  
隋考其謀略機權稽其成敗得失竝列名氏爲之讚論殫



魚鈴武韜之術究玄女黃公之符勒成一家凡三十卷名曰古今兵要制高秦肆事軼魯門可以刻祕牒而昇一作廟堂可以藏名山而懸日月聖人之心情見矣天下之能事備矣于時兵戈屢擾飢饉荐臻英傑懷逐鹿之心氓黎有瞻烏之懼期謝公之出處以卜興衰待韓王之從就而論勝負與能之託時議攸歸長吏猜焉數令相覘帝自惟人望懼發禍機欲混迹而同塵且韜光而向晦乃出應期命爲河北道惣管府司騎參軍智周變通道兼語默戢大鵬之舉遂集榆枋降應龍之神還游埽宰揚玄感之作亂也後主方重討遼東玄感進圍洛陽官兵頻戰不利城中大駭議欲出降時帝在東都懼其失計遽往見留守樊子蓋爲陳用兵形勢制敵權宜論玄感必敗之徵說都城可守之策子蓋大悅拜而從之爾後軍謀一皆諮稟卒擒玄

感帝之力焉後主歸自遼陽子蓋方之行所邀帝同發擬相推薦帝知後主猜忌不願多取功名深自謙撝發言懇到子蓋心悟歎息而罷於是疑作况以軍功奏授正議大夫遷晉陽宮留守司鎧參軍無忌之克敵讓封仲連之立功辭位比我休德曾何足云帝既博通群書兼善衆術拂龜端策未勞詢於詹尹推曆考度無假訪於山稽大業十二年後主幸江都宮帝私謂諸兄曰此行也不復還矣繇是鄉里宗族勸帝起義帝每自推筭知時命未符又念叔孫賀之言故抑而不許初李密爲楊玄感謀主玄感不能從及聞帝與樊子蓋運籌所揣皆如密意乃歎曰天下奇才也遂遣書招帝帝笑而不從諸兄素聞密名勸帝帝曰密雖有才氣未能經遠欲圖功業終恐無成會唐高祖安撫太原便留鎮守帝觀之曰椎槩簡易聰明神武此可與從事矣投刺往



謂焉賈文和之揣君酈食其之觀將翔而後集可謂明也  
高祖亦虚心結契握手推誠周文之得姜牙載以駢服成  
湯之逢伊尹告之宗廟便應爪牙之任即承心膂之託高  
陽賊歷山飛來寇帝從高祖擊之孤鸞六鈎箭穿七札隨  
手必陷當皆靡亂神兵掩擊醜虜大戮熊山之破赤眉不  
比其捷犬邑之摧青犢未儔其雋光武大破青犢十餘萬於野王縣之射犬高祖嗟歎  
賞賜甚多軍師凱旋便過帝宅樂飲宿恩情逾重其後數過  
輒宿遂以爲常帝嘗夜行聞有稱唐公爲天子登遣尋索了無  
其人又夢從高祖乘馬登天俱以手捫日月於是具以狀  
白并獻所撰兵書高祖大懼益以自負置其書於箱篋後  
皆按以從事聞程昱之夢即以爲名聽張良之言皆納其  
策所謂天授豈但人謀高祖將舉義兵令帝領徒於城內  
義旗建授中郎將兼司鎧參軍陪斬木之經始奉披荆之

締構異中涓之受職同別校之分麾從破呂州進授右光  
祿師至霍邑隋將宋老生發兵拒險軍不得進群下多請  
引還者高祖將從之帝直入切諫高祖乃止決機於龍鬪  
之日定策於狐疑之辰矣裨謀之請車同子房之借箸實  
建王業事符天啓霍邑定拜壽陽縣開國公食邑一千戶  
屠城斬邑既憑帷幄之謀開國承家即啓山河之賦京師  
平遷光祿大夫賜宅一區錢三百萬絲五千段一作灌嬰  
之頻從征伐始拜大夫去病之累著勳庸方開甲第釋干  
戈而論俎豆起桴鼓而立君臣式是儀禮允歸通博義寧  
元年拜禮部侍郎餘如故儀刑斯在命服有輝肅事南宮雖  
懋於春典司言東掖更資於夕拜遷黃門侍郎餘竝如故  
職參持蓋位連負重茂先之博覽圖籍譽滿玉堂務伯之  
提正綱維名高瓊閣錄前後功效改封義原郡開國公增



邑一千戶賜良馬二百疋粟萬此字無二千石爰膺嘉賞遂

啓大邦解漢皇之驂寧比其惠分吳主之粟未濟其寵武

德元年拜內史令帝累讓不受改授納言又固辭乃授上

柱國金紫光祿大夫散騎常侍同中書門下三品兼檢校

并鉞將軍賜田三百頃奴婢三百人絲物二萬段黃金五

百斤別食實封五百戶金章紫綬玉鼎黃扉柱國齊元相

之班將軍比命卿之服膺上賞而平軍國坐中樞而議文

武恩榮兼被時輩莫傳三年拜工部尚書餘並如故差肩

八座配象七星以百揆之樞衡參萬機之損益德績兼備

聲望日隆于時軍旅猶殷憲章未洽帝盡心翼亮推誠匡

輔入有造膝之謀外弘匪躬之義興復乎九疇之叙彌綸

乎百度之闕類網所以克振令典於是畢修高祖之禮絕

群彥進封膺唐書作應一本作晉國公加實封八百戶餘並如故高祖又謂

帝曰朕在并州之日恒往卿家今欲使卿一門三公用微

答主人之意也是日封帝長兄司農卿士稜爲宣城郡公

次兄行臺左丞士逸爲六安郡公舊唐書作安陸縣公並食邑一千戶歡比連

席之舊契均同舍之游酬德踰於二錢報恩過於一筭闔

門受邑寧唯吳漢之子孫舉宗畢侯豈直蕭何之兄弟爾

後高祖行幸常令帝摠留臺事兼知南北牙兵馬判六曹

尚書相國之處秦中蓋資鎮撫令君之住許下仍參籌畫

具瞻惟允是謂國鈞時帝先缺中閣高祖親爲求偶謂帝

曰隋納言遂寧公楊達才爲英傑地則膏腴今有女賢明

可以輔德秦晉之疋不能加也於是特降綸言俾成姻對

高祖自爲帝婚主遣桂陽公主專知女家降六禮於璿樞

指三星於金穴魯夫人一作大夫之嫁女卿士送迎張公子之取妻

乘輿供帳作儷於鳳凰之兆相從於孔雀之樓伐柯則歡



其食魚流荇則美其巢鵲是配琴瑟爰宜室家欽若有行  
即孝明高皇后妃也始同鳩水之聘終啓塗山之業永言  
好合若有神靈之契焉憬彼塗泥寔惟淮海襟帶全楚咽喉  
勁越雖孫權故業久黜霸圖而劉渾餘祇一作妖仍多反氣  
杜伏威初行僭逆輔公祐繼以亂亡泉藪未懲荏苒猶在  
帝思俾人遂紆時哲以本官權檢校揚州大都督府長史  
賜錦袍寶帶一具爾乃撫之以誠恕經之以權略鈎距閭施  
既問羊而知馬網羅潛設亦因魚而得鴻降北海之渠未  
踰昔月盡一作勤南山之盜詎假旬時然後商旅安行農桑  
野次化被三吳之俗威行百越之境輜軒符節之使復下  
於蠻陬齒革羽毛之琛還輸於王國矣始高祖之餞帝也  
期以半年及江湖既平帝將入覲父老數百人詣闕上表  
乞更留一年潁川之還借寇恂臨淮之重祈侯霸傳功語

德彼獨何人璽書褒焉復留鎮撫九年太宗以儲宮統事  
乃徵帝入朝寵賜頻繁事以殊禮荆河奧壤密邇瀍洛自  
昔股肱之郡由來戰爭之場飛水初澄雖免鯨吞之患藜  
祠未翦尚有狐鳴之妖受委共康非賢勿授使持節豫息  
舒道等四州諸軍事豫州都督賜黃金二百斤朱轡首途吏  
人拊舞而交謁阜蓋臨府盜賊驚惶而請命傾巢咸附闔  
境肅然棄戟指矛既如張霸之政術含哺鼓腹更似岑熙  
之歌詠利州都督義安郡王孝常稱亂劔南扇動夷落孝  
常誅死餘黨分竄劫略未息朝廷患之太宗博訪群寮咸  
以爲非帝不可貞觀元年拜利隆始靜西龍等六州諸軍  
事利州都督郡惟遐徼地實偏陬尋蜀帝新開之途經漢  
主舊燒之棧渝人實旅獸駭禽驚帝招輯叛亡撫循老弱  
賑其匱乏開其降首百城橐弓而不用群盜束手而來歸



弘以善貸之恩赦其既然之罪未移茲望郡境又安制書  
褒揚增邑五百戶賜珍物服玩黃次公政稱長者裂壤開  
封杜伯侯動無間然賜書增秩五年改授荆峽澧朗岳果  
松等七州諸軍事荊州大都督眷茲上流實惟舊楚接荆  
臺之跨跨連渚宮之形勝一都之會昔號難治帝仁化久  
覃威名先著褰帷而十部咸肅閉閣而萬殊皆理寬力役  
之事急農桑之業徃固空而京坻實姦回息而禮義興市  
不倚門田多讓畔烝人罷訟詠河上之甘棠游女無思歌  
漢濱之喬木流化實同於二陝宣風寧止於六條先是微  
屬亢陽頗傷時稼帝乃親往長沙寺迎阿育王像而祈焉  
俄而油雲勃興大雨洪澍倏忽而四境滂霈須臾而千里  
霑洽申虔未踰於晷刻降福遄同於影響一州歎駭稱有  
神明是知元符未臻且列於公侯之位帝道潛契實冥於

天地之德昔者姬文事紂行化始自於江沱晉武平吳樹  
勲實由於荆土誠作霸之基址乃與王之窟宅况復風煙  
氣色樓臺適翔鳳之川邑里光暉阡陌通臥龍之境爰紆  
不世之主將建非常之業於是乎百物呈瑞三靈降休游  
殷朝之白狼止鄴戶之丹爵含牙之獸遁迹於殊隣同穎  
之禾垂苗於近甸惠愛之德著矣皇王之迹兆矣然後白  
氣流而聖人感黃河清而聖人生奄有六宮遂荒三象化  
千乘而爲萬國撫四海而成一家起藩屏之會昌致寰瀛之  
景福大矣哉九年唐高祖崩帝奉謁號慟因以成疾太宗  
遣名醫診療道路相望醫以病候將深勸令進藥帝因舉  
聲大哭嘔血而崩敬想忠義之風緬惟臣主之分求諸古  
昔未之聞也時年五十九遺令歸葬文水因山爲墳穿足  
容棺斂以時服霸陵之不藏金寶紀市之無變屢肆惟聖



達箭千載同風於是具僚失圖闔境哀慟農商號於野士  
女哭於衢三月停筭瑟之音再替深考妣之慕寧止東城  
故老安歌對陳氏之祠復見南岷吏人垂涕望羊公之碣  
太宗聞帝崩狀嗟悼久之良一作良久曰可謂忠孝之士乃命史  
官書之追贈禮部尚書配食太上皇廟贈物八百段米粟  
八百石官造靈輦送達故鄉仍委本州大都督英國公李  
勳監護喪事緣喪所須並令官給遣郎中一人馳驛弔祭  
謚曰忠孝公禮也天皇大帝嗣膺乾曆光闡帝猷思盛德  
而有懷念元功而載佇永徽元年改贈使持節都督并汾  
慈嵐四州諸軍事并州大都督餘並如故聖上肇開陰曜  
正位坤元永徽六年又下制贈司空餘如故顯慶元年又  
贈司徒改封周國公食邑四千戶咸亨元年贈太尉兼太  
子太師太原郡王食邑五千戶以文水三百戶充奉陵邑

置令丞已下官夫源流廣而津派長枝葉繁而本根茂况  
立德之祀奄百代而全昌謀孫之基冠千齡而首出與夫  
東漢外戚西京異姓不同年而語矣文明元年皇帝臨朝  
追崇爲魏王食邑一萬戶永昌元年群臣以名號不稱抗  
表固請於是上尊號曰忠孝太皇及鐘石變聲謳歌有奉  
皇帝欽受終之茂躅御惟新之景命改正朔而營宗廟定  
郊丘而立社稷聿遵故實光啓鴻名乃奉冊尊太皇爲孝  
明高皇帝陵曰昊陵廟曰太祖推大功而增大號奉先之義  
存焉享皇極而配皇天敬始之誠備矣仍以爲千人起邑  
名未光於寢園萬戶陪陵班僅齊於令長恩廣崇陽之稱  
更增奉明之秩聖曆二年乃下制改昊陵署爲攀龍臺加  
置官屬佐吏灤水將九河齊濬橋山與四岳爭高然後肅  
敬之儀旁絕於恒數尊崇之志上申於罔極蓋天子之孝



也庸小人之可談乎初晉陽懿公既受田於文水有紫氣發於其地上衝太微占者以爲當有聖人興於此邦至是而天下宗周符於所占矣帝神氣和雅天姿英邁率爾坦易而無廢務儼然威容實可親昵俾好賢而樂善博識而多聞游談者空慕其風鑽仰者不知其度若乃觀文察理覩奧鈎深推六畫而見三才覆四營而窮萬象斯乃皇風之所以際天人也躬本抑末納祐蠲和探秘術於九門致成功於六府斯乃大帝之所以慈泯廢也語竒正從橫之術論帝王仁義之兵教龜武熊羆仁舟車器械斯乃軒后之所以張武功也溫良潛哲惇懿文明觀象乎藻火之衣聽言於宮商之律斯乃媯水之所以昭文德也聲爲律而身爲度勤於國而匱於家沐雨而櫛風卑宮而菲食斯乃夏王之所以來諸已也引罪讓德持尊下卑虛襟於藥石之言屈體於芻蕘之議斯乃商后之所以聽於人也不傲不逸多藝多才求賢審官興法立度通刑政之要達禮樂之情斯乃周公之所以勤王事也宮牆宰測性道難聞筆削所裁群賢無措言之地憲章所綴百代成不刊之式斯乃孔宣父之所以正人倫也兼列聖之純懿惣百王之事業特運未集東臯輟鴻鶴之心天衢既亨北面就人臣之禮似文命之匡虞曆都君之輔唐政終能與時俯仰隨運汗隆居位恒屈其身莅官必行其道是以參謀帷幄則消薄蝕而殞攬槍助理鹽梅則成雍熙而作舟楫名裕於八能之士德高於五聖之臣及錫瑞分珪牧州典郡其人變而魯化其政賢而邵美入稱來晚謳歌迺節傳之車出有去思號泣擁檐帷之路豈唯南征而北怨固亦西泣而東悲仁覃於雞犬之鄉澤浸於蟻蟻之穴用能摘光表之盛業



啓格天之洪緒存膺顯位彤弓開九命之尊歿享大名紫  
籙登萬乘之貴豈非天道人事祐賢福善之徵歟皇帝念  
過隙之不留哀終天之罕報欽致孝之前一作仰增名  
之舊式以爲廟堂作頌功業纒播於朱絲簡書策勲德音  
不傳於翠琰將謀相質之事更弘顯之獨載紆中旨爰  
命下臣考泗水之遺風求弇山之故事奉天經而揚詞藻  
圖帝範而懸金石將使神功眷業配圓象而照臨茂烈崇  
徽共方儀而永久跪承大命而爲頌曰

厥初剖判肇有君臣體國經野司天屬人三徽遞襲五運  
相因惟德是輔惟乾罔親其一謙莊斯崇荒侈則替金鏡易  
失玉儀難繼於皇聖周獨與神契受籙千祀重光百世其二  
軒謝摯立辛遷稷升岐山光啓鄴水丕承淳耀中缺靈符  
更興三才奄有八景時乘其三方隆慶基誕生眷德齊聖剛

毅欽明柔克行爲天經語成帝則文冠揚史學窮儒墨其四

僂俛三聘觀光九重未交劉徹先揖袁逢路險難進才高

不容言辭吠犬退保潛龍其五其人忌英雄物疵孤直隨運出

處與時消息遂汨泥沙爰栖枳棘擇木候主搏風舉翼其六

披荆晉野借箸汾圻霍邑通路秦關啓扉策無遺兆慮必

先機漢主分食蕭王解衣其七裂壤疇庸升朝致績勲刻尋

鼎任司衡石玉鉉調梅金壇秉戚職備文武道光帷帟其八

恩洎同胞禮加內主魚貫納幣鴈行分土外館施衿中臺

曳組榮被親戚慶隆今古其九三事出牧九卿爲守憂一作

人急才屈道資祐淮水卧汲潁川借寇龔遂買牛宋均浮

獸其十荆吳異俗梁豫殊鄉德績均被椒蘭共芳歌迎來軸

泣送歸艗朝禮斯懋宸心孔臧其十一堯得聖臣納諸大麓

舜讓才子止其枚卜况我皇明兼而韞積徒屈時命罔終



天祿其二 戢耀南紀遷神北維二分齊德三馬同基漢曲  
圖像江池立祠存流美化歿有餘思其三 欽若大君奄荒  
天位率由禮樂仰尊名器裡郊展儀升壇立謚祇敬已洽  
孝思無遺其十 衣冠軫暮園寢加隆裸擇殷士歌留沛童  
弇山墜裕濟水銘功流德音乎翠琰配貞觀於玄穹  
其十  
五

文苑英華卷第八百七十五

登仕郎胡柯

鄉貢進士彭

叔夏

校正

文苑英華卷第八百七十六

碑三十三

陵廟

梁宣帝明帝二陵碑一首

柳州羅池廟碑一首

白楊神新廟碑一首

野廟碑一首

梁宣帝明帝二陵碑

韓休

有梁拓跡開統建邦立號王業始於憂勤霸功成於海縣  
乃昭事上帝惠綏遠人文軌通于四表正朔繼乎三代屬  
天步未夷皇綱中圯巨猾開豐大盜潛移宗廟鞠爲禾黍  
衣冠剪爲戎狄則我梁之業將墜于地國之郊裡蓋無主  
矣而天未絕商鼎猶祀夏炎精翳而復揚文德懿而方肇  
明命斯在神休允歸則我中宗宣皇帝代宗明皇帝乘彼樂  
推撫其歸運者矣宣皇帝諱答明皇帝諱歸姓蕭氏蘭陵  
中都里人也房雲祚商大火封宋功昭華夏之業德盛明



周之禮故能慶緒崇緬 源浩濬樂叔之封既命遂列於諸侯高辛之祚克昌俱有於天下始宋公子食菜於蕭國疑以得氏其後居于豐沛自漢丞相何侍中處弈世載美不忝前烈泊于裔孫整東晉淮陰令始渡江居于南徐州之蘭陵焉整生雋及鎔雋曾孫道成是爲齊高帝鎔以四代孫丹陽戶順之生高祖武皇帝衍高祖生昭明皇帝統宣皇即昭明皇帝之子明皇即宣皇帝之子也降元精之吉乘正陽之氣星斗發祉日衡兆祥德叶於天地之和名書於帝王之籙故其本枝崇慶歷試肇迹勿用而履夫重剛明夷而蒙彼大難乃鞠旅樊沔投戈雍梁政始東國化行南紀取長沙而兵不血刃戡江夏而舉無遺策推賢用之而如不及委政授之而心不疑一作不疑心誅僮羿而廓天閔掃攬槍而清帝座遂撫方夏用膺徽號訓兵同於一旅申命

式于九圍克祇上靈之騰光啓中興之業于斯時也飛鴻瀚野戎馬生郊庭旅荆棘室同煨燼由是躬大禹之菲薄同衛文之節儉千里襁負一年成都適其樂國歸我有道者蓋同于遷幽而居此也於是菟夢澤朝渚宮五德配天二刻在國不失舊物重覩漢官之儀叶于新命還秉宗周之禮用能布令結援修好申盟我譽迄于四方人心洽於一德始則誕受多福終亦繼明重熙豈惟敵國挫師克申威武信亦強隣結好芬若椒蘭謹其外虞弘我邦本孝心處於紱冕儉德過於茅茨立教以至仁爲宗弘風以清淨爲樂豈非古之聰明神武而不殺者夫方欲觀兵上國清蹕中壤混一區宇削平四方而乾道臨於大過雄圖屈於知運霸功則肇王業未弘雖慷慨於當年竟遲回於卒歲者矣嗚呼陵谷驟改市朝無處荒墳歸然蔓草蕪沒于孟嘗



尊貴獨愴雍門之言魏武英威空留士衡之弔有可悲矣  
嗣子琮屬金陵畢氣天祿永終山川不出於伯符曆數有  
同於歸命終我梁祚是爲虞賓其天意也豈人事也次子  
珣梁南海王隋左光祿大夫梁國公食邑三千戶贈遷州  
刺史承百祀之重稟二宗之慶恩昭異代禮崇備物子鈞  
皇朝中書舍人率更令崇賢弘文兩館學士鈞子灌皇朝  
渝州長史贈吏部尚書疇其慶靈俾爾戩穀盛名昭於海  
內高秩謝於人寰實彰宴翼之同克享褒崇之禮嗣子曰  
嵩金紫光祿大夫吏部尚書兼中書令河西節度經略度  
支營田九姓長行轉運等副大使知節度事判梁州事亦  
水軍使檢校天下諸軍兵募健兒使集賢院大學士上柱  
國徐國公秉靈迪哲體道弘正自我人秀惟其國楨亮采  
而三階已平疇咨而九功式序糾過王憲緝庶邦政文武

體用清明在躬地奉紫垣之寵門延絳河之貴水言孝思  
式是前烈雖大統云集而鴻芬莫記時逢喪亂跡昧於亡  
隋之年運屬光華功盛於有唐之日丘墟遂遠碑表莫存  
豈使配天之功不勤於金石終古之美永翳於丘山式繼  
武於丕夷俾披文於大隧緬思至道俯課虛懷幸陪論政  
之餘空愧知音之託乃爲銘曰

天祚我梁受命而王於穆烈祖昭惟武皇德配華夏功成  
勇商克受丕祉弘茲太康陰極爲剝泰終而否九伐未修  
四郊多壘戎州孔熾王室如燬不有繼明孰彰代祀四子  
有命三宗代興曆數攸在天人叶徵靈心允洽玄德昭升  
奄有成命其歸與能長江作限上京未復永念殊邦恩同  
比屋拔山雖壯逝水何連嗣王不辰終我天祿洪惟德門  
卓彼孝孫彌我王道弘其政源式播前烈貽厥

一作後昆  
將貽



勒茲琬琰永馥蘭芬一作已矣焉哉昭丘一望盡烟埃楚  
塞斷兮荆門開緬千里以環繞一作見二陵之崔嵬銅臺  
虛兮總帳暗金局閱兮黃鳥哀嗚呼百年人畏其神者豈  
獨軒轅之臺

柳州羅池廟碑

韓愈

羅池廟者故刺史柳侯廟也柳侯為州不鄙夷其民動以  
禮法三年民各自矜奮集有茲土雖遠京師吾等亦天氓  
今天幸惠仁侯若不化服我則非人於是老少相教語莫  
違侯令文粹凡有所為於其鄉閭及於其家皆曰吾侯聞  
之得無不可於意否莫不忖度而後從事凡令之期文粹  
期令民勸趨之無有後先必以其時於是民業有經公無  
負租流逋四歸樂生興事文粹宅有新屋步文粹有新  
船池園潔修猪牛集注鴨雞文粹肥大蕃息子嚴父詔

婦順夫指文粹嫁娶葬送各有條法出相弟長入相慈孝

先時民貧以男女相質久不得贖盡沒為隸我侯之至按

國之集注一故以備除本悉奪歸之大修孔子廟城郭巷

道文粹皆治使端正樹以名木柳文粹民既皆悅喜與

其部將四字石本作堂與其部魏忠謝寧歐陽翼飲酒驛

亭謂曰吾棄於時而寄於此與若文粹等好也明年吾將

死死而為神後三年為廟祀我及期而死三年孟秋辛卯侯

降于州之後堂歐陽翼等見而拜之其夕夢而告文粹有

曰館我於羅池其月景辰廟成大祭過客李儀醉酒慢侮

堂上得病諸本扶出廟門即死明年春魏忠歐陽翼使謝

寧來京師請書其事于石余謂柳侯生能澤其民死能驚

動福禍之以食其土可謂靈也已作迎享送神詩遺柳民

俾歌以祀焉而并刻之柳侯河東人諱宗元字子厚賢而



有文章掌位於朝光顯矣已而擯不用其辭曰

荔子丹兮蕉黃雜肴蔬兮進侯堂侯之船兮兩旗度中流

兮風泊之待侯不來兮不知我悲侯乘駒兮入廟慰我民

兮不嘖以矢鵠之山兮柳之水桂樹團團集本如此兮白

石齒齒侯朝出游兮暮來歸春與猿吟兮秋鶴與飛文粹

與鶴北方之人兮為侯是非千秋萬歲兮侯無我遺福我壽

我驅薄鬼兮山之左下無苦濕兮高無乾杭徐充羨兮地

蛟結蟠我民報事兮無怠其始集注一自今兮欽于世世

白楊神新廟碑

令狐楚

道太原而北列郡數十鴈門為大在周秦時與山戎林胡  
犬牙其疆國家以文德柔惠而驅去之北跡距塞口猶千  
里而遠遂若內地控于通都秩二千石者非休勳懿德則  
名王旄士乙亥歲今尚書隴西李公廉刺并部選第郡政

之尤異者得昌化守南康郡王河南元韶首表其名遽聞

于天璽書勞勉移理於代惟南康以壯事老謀遠事先侍

中平王則尚書郎寧王勤於君惠於人而敬恭於神由是

神降之福人懷其德是歲夏五月赤車彤襜至自石州初

一日會計于官次察掾吏之勤惰次二日存問于里閭求

人民之利病既三日徧祭于山川神祇蓋無停陰鑿不輟

聲于郡東凡四十里白楊有祀實代之主也噴水旁注鴈

門山前峙礧礧相抵為堆為阜鬱蒼柯條如虬如龍廣僅

百畝厥高又倍信可以回薄日月而避逃風雨豈朔漠之

氣凝結於此乎坤元之精決泄於此乎不然其何以巍巍

蒼蒼將欲憂若木梢扶桑卑大椿於漆園小蟠桃于東方

與夫古墓多悲蕪城早落者不同品矣按諸經記且曰昔

元魏高祖孝文帝由一成而宅九有起雲中而馭天下損



益三代憲章百王厥初經營由此途出繫馬其下歇鞍于  
枝威靈所憑別白而在既偃頓以附土又跳騰而架空如  
有高掌躡爲鳥勢形洎今朝中書令燕公說摹詠其事公張

白楊篇之卒章云欲識前王  
搭鞍處正北苗抽一小枝  
戶部侍郎吉公中孚伸而明  
之建中初吉公以萬年尉爲黜陟判  
官至此爲之歌序具載其事焉故迹彌顯高名益大爲

屏爲圖播于海嶠代人神之是以祠也而舊規相襲未甚  
弘麗簷牖東嚮椽欂內異有袂盪之氣無尊嚴之威式車  
馬者以避禍非以致敬奠蘋蘩者惟徼福不惟饗德猶此  
祀也不亦淩疑孝文於代乎南康其孫也大懼夫祖德之  
墜于地因愀然而言曰於古有邵公爽以區區陝服爲周  
二伯行野聽訟總於其棠後之必思其人猶愛其樹其在  
詩曰勿翦勿伐邵伯所爰矧我烈祖有開國之武麗天之  
文撫正萬方照臨四海而又儲祉降德于後子孫俾不佞

起家而王專城爲守愧不能顯揚先美使若黃帝幸君之  
使使理此土敢黷於祭祀是襲于功烈而達其罪戾也一年  
因曲辰之隙而易其地二年乘歲之豐而改其制不三四  
年得請于上而新廟成南面衮服所以稱尊也兩楹阼階  
所以定位也築墉于外所以禦侮也設屏于前所以修容  
也耽耽沉沉顯敞靚深不風而清無雲而陰前王戾止之  
儀於是乎在裔孫聿追之孝於是乎舉不唯禁淫祀廢菲  
禮抑亦開明德擣耿光欲使異日觀者不俟省書問俗而  
知樹之所由植廟之所由崇諗於有知僉曰非頌聲不可  
初南康之典化顧嘗容焉迄今剖符則又備位于隴西公  
之府相得最舊見繩爲文故敢徵成之功與作之義篆刻  
貞石立于前楹庶擬衛悝彝鼎之銘敢同魯僖闕宮之什  
銘曰



蔚彼白楊叢生鴈門蒙暑翳寒晴天色昏巨抵交柯龍翔  
虎眠從古強名莫知其原惟昔魏帝于枝息鞍懸垂低昂  
一殿迹猶存大畏其力小懷其恩爰有靈祠號為明神二  
扉不高四簷不陳樵蘇所往雉兔為隣於鑠良牧特惟孝  
孫下車之初致敬而言蔽芾其棠猶思其人綿綿葛藟下  
庇于根乃正名居式崇藩垣山立當宁翼張重軒有赫斯  
皇既嚴且尊允矣君子孰知其仁大椿之年細柳之軍吾  
與元也人誰問然欲載其功莫先於文編詞琢石終古  
不遷

野廟碑

陸龜蒙

碑者悲也古者懸而窆用木後人書之以表其功德因留  
之不忍去碑之名由是而得自秦漢以降生而有功德政  
事者亦碑之而又易之以石失其稱矣余之碑野廟也非

有功德政事

文粹作政事功德

可紀直悲夫毗竭其力以奉無名

之土木而已矣

既粵間好事鬼山椒水瀕

文粹作瀕

多淫祀其

文粹有廟字

貌有雄而毅黜而碩者則曰將軍有温而愿哲而

集粹作尊

少者則曰某郎有媪而色

者則曰姑其居處則敬之以庭堂峻之以階

集粹作階

左右

老木攢植森拱蘿葛翳其

集粹作干

上梟鴉

集粹作鴉

室其間車馬

徒隸

集粹作從

叢雜恠狀毗

集粹作農

作之毗怖之大者椎牛次者擊豕

小不下犬雞

浙本作雞

魚菽之薦牲酒之奠缺於家可也缺

於神不可也一日

文粹作朝

懈怠禍亦隨作羣鴆畜牧慄慄然

疾病咸

蜀本作浙

喪毗不曰適丁其時耶而自惑而

集粹作其

生

耶

文粹無此字

悉歸之於神雖然若以古言之則戾以今言之

則廢乎神之不足過也何者豈不以生能禦大災捍大患

死

死字文粹作其死也

則血食於生人無名之土木不當與禦災捍



患者為比是矣於古也明矣今之雄毅而碩者有之溫愿而少者有之升階級坐堂進耳絃匏口梁肉載車徒集作馬

擁僕集粹作徒隸者皆是也解民之懸清民之賜未嘗術浙本

于曾中民之當奉者一日懈怠則發悍吏肆淫刑毆之以

就事校浙本神之禍福孰能浙本輕重哉平居無事指為

賢良一旦有大夫之憂當報國之日則怛撓脆怯顛頓集粹

竄踣乞為囚虜之不暇此乃纓弁言語之土木耳又何責

文粹有真土木耶故曰以今言之則庶乎神之不足過

也既而為詩以亂其形曰二字集土木其形竊吾民之酒

牲固無與集粹名土木其智竊吾君之祿位宜如何集粹

何議祿位頎頎酒牲甚微神之饗也孰云其非視吾之碑

知斯文之孔悲

文苑英華卷第八百七十六 登仕郎胡柯鄉貢進士彭叔曼校正

文苑英華卷第八百七十七

碑三十四

祠堂

蜀丞相諸葛亮碑一首 魏府狄梁公碑一首

蜀丞相諸葛亮祠堂碑

裴度

度嘗讀舊史詳求往哲或秉事君之節無開國之才得立

身之道無治人之術四者備矣尊集本文而行之即二本

蜀丞相諸葛公其人也公本系在簡策大名蓋天地不復

以云當漢祚衰陵人心競逐取威定霸者求賢如不及藏

器在身者擇主而後動公是時也躬耕南陽自比管樂我

未從虎時稱卧龍詩曰潛雖伏矣亦孔之炤故文粹州

平心與元直神交洎乎三顧而許以驅馳一言而定其機

勢繇是翼扶劉氏續承舊服結吳抗魏擁蜀稱漢刑政達

乎荒外道化行乎域中誰謂阻深嚴為強國誰謂蓬脆勵



爲勁兵則知地無常形人無常性自我而作若金在鎔故九州之地魏有其七我無其一由僻陋而啓雄圖出封疆以

二本作而延大敵財用足而不曰浚我以生干戈動而不曰殘

人以逞其底定南方也不以力制而取其心服震疊文粹

諸夏也不敢角其勝負而止候其存亡法加於人也雖徒

文粹死而無恣德及於人也雖棄葉而見思此所謂精義

入神自誠而明者矣若其人存其政舉則四海可平五服

可傾而陳壽之評未極其能事崔浩之說又詰其成功此

皆以變詐之略論節制之師以進取之方語化成之道不

其謬歟夫委棄荊州不能遂有三郡此乃務增德以吞宇

宙不黷武以爭尋常及出斜谷據武功分兵屯田爲文粹

久駐之計與敵對壘待可勝之期雜乎居人如適虛邑彼

則喪氣我方養威若天假之年則繼大漢之祀成先主之志

不難矣且權傾一國聲震八紘而上下無異詞始終無愧

色苟非運膺五百道冠生知曷以臻於此乎故玄德知人

之明者倚仗曰魚之有水仲達姦人之確者嗟稱曰天下

奇才度每迹其行事度其遠心願奮短札以排群議而文

字蚩鄙日月文粹未果元和二年冬十月聖上以西南

奧區寇亂餘烈文粹罷毗未息汙俗未清輟我股肱爲之

父母乃詔相國臨淮公由秉鈞之重乘二本推轂之寄戎

軒乃降藩服乃理將明帝道陬落綏懷溥暢仁風閭閻滋

殖府中無留事宇下無棄材人知嚮方我有餘地則諸葛

公在昔之治與相國當今之政異代而同塵矣度謬以庸

薄獲參管記倍二本旌旄而爰止望祠宇而脩謁有儀可

象以赫厥靈雖微烈不忘而碑表未立古者或拳拳一善

或師長一城尚流斯文以示來裔况如在之嘆終古不絕



文粹其可闕乎乃刻貞石庶此都之人存必拜之感亡爾  
作紀銘曰

昔在先主思啓疆宇擾攘靡依英雄無輔爰得武侯先定

蜀土道德城池禮義干櫓二本如國英華物如春化人如神

勞而不怨用之有倫柔服蠻落文粹作渭濱攝跡畏威雜

居懷仁中原旰食不測不克以待可勝允臻其極天未悔禍

公命不果漢祚其亡將星中墮反旗鳴鼓猶走司馬死而

可作當小天下尚父作周阿衡佐商兼齊管晏愬漢蕭張

易代而生易地而理遭遇豐約亦皆然矣嗚呼奇謀奮發

美志矢過于嗟嚴立咸受謫罰聞之痛之或泣或絕其棠

勿翦駢邑斯奪繇是而言殊途共轍本於忠恕孰不感悅

苟非誠懇徒云固結古柏森森遺廟沉沉不殄裡祀以迄

于今靡不駿奔若有照臨蜀國之風蜀人之心錦江清波

玉壘峻岑入海際天如文粹公德音

魏府狄梁公祠堂碑

馮宿

后不可以獨臨必誕生岳靈扶既傾繫將絕茲梁國狄公

是已興於天授之朝蘊沉謀奮奇節也物不可以終否必

繼起邦傑欽往績懋來功茲沂國田公是已挺乎河朔之郊

創新祠修舊典也初梁公出牧于魏實宜斯人罔遂乞留

則深遺愛闔境同力生祠其神畏威懷仁如在上祈恩

徼福亦若有答洎胡起幽陵毒痛中邦腥羶遺餘漸漬毗

俗六十年于茲矣戰血滿野忠魂歸天階祀之容隱嶙猶

在元和壬辰歲我天子恢拓千古之不庭凡在率土罔不

來服維元侯保和一心之有衆舉茲列城表正多方歸職

貢而奉官司尊漢儀而秉周禮鳳鳴而臬音葦蘭芳而棘刺

死醴湧而益泉竭慶雲飛而濁稜消四郊廓清萬方丕變



然後辨正封疆咨謀耆老得是舊趾作爲新祠鳩材僦功歲  
事頒役上下有度東西惟序披圖以立儀像椽品以昭  
命數不僭不偏經之營之越十月五日厥功成沂國公於  
是乎請護軍迨賓寮將校虎貌之群撰吉而致饗焉先一  
日執事設次于門西設柔毛翰音膾肥鮮棗之具以俟詰  
朝公至則改命服于次率護軍等升拜將校已下叙拜于  
堂下公親酌以奠揚解而言曰昔者皇風中微陰沴勃興六  
宮弄其神器萬乘遜于羅川生人之耳目盡迴元老之  
肺肝彌固蹈履虎尾攘奪鯨口薙除蔓草扶持

**元良**

克正萬國居貞秘策潛授五王起包復夏之大業於心  
術貽安劉之永圖於身後再造唐室時維梁公顧不腆之  
是羞獲守茲土寔群師與三軍之衆逮封內之黎老勤請  
于天王天王重遣斯人而鑒厥誠未及浹辰而璽書金印

命服瑞節一日駢至

是又頒非常之清問下莫大之洪

澤馬逐逐車闐闐野接跡空駕肩彼感心與喜氣固已翔  
九天而滲九泉今所靡皇寧居思有上報竊慕神之志義  
景神之忠功薦神于此堂吉辰

以徵懇

至於修廢

繼絕興仁樹善乃守臣之職烏敢爲名再拜而退由是六  
州之人士知狄公之崇德可享而田公斯言可復也詩云  
維其有之是以似之乃作銘曰

弈弈新祠于魏之疆巖巖梁公惠此一方其惠伊何其人  
則亡在昔通天戎虜猖狂衡陷連城勢莫與亢山東繹騷  
駘籍犬羊顧是都會孰能保障天后召公飛傳靡遑至自  
彭澤屹爲金湯以逸待勞以柔摧剛緩賦寬役勉農勸桑  
外示無虞內爲之防虜則引歸歲獲大穰人荷公來踴躍  
歡康人惜公遷泣涕彷徨援刀割膚守闕上章終然莫克



詎可弭忘衆心欲成經始斯堂立公儀形薦此馨香于以  
祝之萬壽無疆于以歌之久久垂芳追惟我公寔邦之良  
岐嶷有聞金玉其相學以時習闇然日彰文武是經謨謀  
允臧測圭知正涵鼎難量碩大博厚靖和端莊逮使絕域  
義聲孔揚居憂致感有鳥呈祥疑于天理決獄平當亟  
觸龍鱗驟探虎狼西門沉巫汲直開倉蜀守與學晉臣撫牀  
公兼有之蹇蹇在旁宣威中權論道上庠慰薦幽仄懷來  
暴強天授以還燎火無光藹藹本枝困於斧斨下適人願  
上回天綱拜洛受圖非劉而王后實當衰唐遷于房時惟  
正色中激剛腸一作斐伊斐斐一作伊斐侈謀將易儲皇公陳不可校短  
推長血瀝太階心祈彼蒼長戈倒日勁草橫霜一柱嶷然  
四維重張帝拜元老春歸少陽潛安爪牙密布棟梁七日  
變疾五月興唐道優三仁力茂一匡始終無媿夷夏所望

維此魏郊寔維樂康燕寇之後中爲戰場何人不鰥靡室  
不喪祠宇煨燼階除墟荒故老懷思遺眊慨慷猶依封畛  
春時奠壺觴否道旣傾聖歷會昌元和御辰天子垂裳九夷  
入蠻山掃海航禮備樂陳執贄奉璋思我懷人寘彼周行  
是生沂公忠順激昂久理獄雖能處囊道言惜惜武烈  
洗洗業尚管蕭化臻龔黃掃除氛祲弔恤災傷尾斷蜂蠆  
苗鋤莠稂萬夫歸誠有死無將天子嘉之霈澤灑灑龍節  
虎旗玉佩金璫班其慶賜覃其潛翔沂公滋恭俯伏一作扶  
兢惶媿負山岳誓酬毫芒乃建新祠媿彼甘棠其厦屋  
繚以周牆吉蠲羞容羽衛兩廂仰止何遠中心是藏地回  
沙麓河抱衡漳刻勒豐碑揭乎中央



文苑英華卷第八百七十七

登仕郎胡

柯

鄉貢進士彭

叔夏

校正

文苑英華卷第八百七十八

祠廟一

嵩山啓母廟碑一首

少室山少姨廟碑一首

右土神祠碑一首

滎陽瀨水貞義女廟碑一首

湘源二妃碑一首

嵩山啓母廟碑

崔融

見唐文粹

臣聞天地生成其法自然之謂道陰陽鼓舞其功不測之謂神然則物或類感事因通變軋棟傾而三光北馳坤輿缺而百川東瀉河淪越雋有郡邑之爲魚水陷歷陽有吏人之化斃訪遺蹤於女峽風雨蕭條徵往事於姑泉絃歌響亮盈虛靡定合散焉常不知誰子旣老氏之多情忽然爲人寧賈生之足辯仰觀俯察裁識幽明之故原始及終未窮死生之說得於道而失於道義有必然出於幾而入



於幾理無或廢知變化者其知神之所爲乎臣謹按啟母廟者蓋夏后啟之母也漢避景帝諱改啟之字曰開厥後相傳或爲開母而顧野王輿地志盧元明嵩高記並不尋避諱之旨以爲陽翟婦人事不經見諒無所取粵若玉斗琬璣李母之居鄰北極金臺石室王母之宅在西山氣爲母則群物以萌月爲母則容光必照坤爲母則上下交泰后爲母則邦家有成故筆胥履跡而雄氏孕女登感神而炎運作星流筆渚而白帝生月貫幽房而黑精降明明有夏穆穆塗山子娶於度土之辰女媧於台桑之地搜奇帝紀識一作異歸藏束生發蒙而有迷韓子稱賢而不朽漢臣之筆墨泉海陳其令名秦相之一字千金叙其嘉應士歌南國徒聞一作候禹之詞石破北方終見生余之兆則郭璞所謂陽城西啓母石李彤所謂嵩山南啓母祠隨巢之說有徵鴻

烈之言無爽者矣昔者鸞川之上母變空桑豚水之濱男生破竹美人之虹名蝶煉仙婦之月作蟾蜍精衛衛木而償寬女尸化草而成嬪山崩蜀道臺候婦而無歸石立武昌亭望夫而不及論乎誕載群下莫尊於帝王語乎遷易凡百無聞於感致美矣哉不可得而稱也大唐革去故鼎取新與運而生繼天而作握乾元而造物海內知春闢混沌而爲家域中無外天皇曆數順謳歌金匱玉板服皇王之能事衢室廟堂承祖宗之茂烈垂衣裳而作元后端拱北辰負黼宸而朝諸侯嚮明南面周邦赫赫其道洽於成康漢室巍巍其化鍾於文景東漸西被遠安邇肅海三年而無波雲連月而不散天瑞降地符昇靈鳳五文歲時來苑園神龍八卦昏旦游池沼禮亡乎哉無取於周旋揖讓樂之謂也必在於移風易俗司祿益富家國於是乎有餘



司命益年臣人於是乎不天明王三懼未嘗遺戒慎之心  
天子四鄰莫能展弼諧之用家安其業但聽於鄰雖人得  
其和遂同於野鹿表識記秦河圖四十六事之著明易亡  
尚也登太山禪梁甫七十二封之可識何以加乎且夫窮  
聖神備道德滋萌元氣開闢太初斯乃天皇氏之所以應  
乎天也依土地明神靈駕六羽而上騰度九州而下濟斯  
乃人皇氏之所以順乎人也造書契教畋漁合五諱而節  
四時登九天而類萬物斯乃犧皇氏之所以制人法也務  
播殖該變通嘗樂以救兆人聚貨而交天下斯乃農皇氏  
之所以興人利也振夔鼓載龍旗天則玄女授符帝則黃  
神降升一作斯乃軒轅氏之所以除人害也均度量正都邑惣  
秋令於金天分瑞官於鳳紀斯乃帝昊氏之所以爲人極  
也繫祭祀義鬼神履時以象天養財以任地斯乃帝顓氏

之所以爲人教也秋乘龍馬春乘龍順三辰而天道平建五  
正而人事理斯乃帝辛氏之所以爲人政也明如日晦如  
陰人無識其名帝何力於我斯乃帝堯氏之所以昭君德  
也聞一善舉八才帝唱動而爛星雲天歌發而踏鳥獸斯  
乃帝舜氏之所以章后功也夫三統者道之大五行者生  
之宗三皇法之而列五帝則之而序道以三興德以五立  
非天下之至聖孰能兼於此乎而猶雖休勿休損之又損  
下明詔發德音尊天而重人省方而巡狩舉星畢曳雲捎  
召風伯以清塵命山靈而護野馳洛邑驚襄城天迴而地  
游雲合而霧沓周穆王來遊太室先衛夏啓之居漢武帝  
有事嵩丘即訪姒開之石徒觀其丹青歲古霜露年侵聖  
情有睠興言改葺其山則古文之外方其地則新邑之中  
土銘壇遷迤斜分玉女之臺碑闕相望近對石人之廟金



草生而五色貝樹長而三花紫雲合沓於溪澗白霧氛氳  
於巖嶺考之易林信惟神明所伏求之遁甲固以威靈肅  
然夫其命有司秉務隙因高背下察隱嶙之餘基審日觀  
星揆摧殘之落構周官置泉郢匠揮斤異態神行全模化造  
紅葩奪日飛累榭於山間綺綴衝風架迴廊於木末仙人  
在棟神女臨窻周施璫琕之掾徧覆琉璃之瓦赤玉爲階  
甃黃金作門關山如白岸樹似青溪羞蘊藻於前庭藉生  
芻於後徑蘭香夾水居然洗沐之資竹帚臨風自隔囂塵  
之境夢臺雲雨宋玉對而先驚楚壁山川居原書而幾倦  
壽宮愴兮不擾象設安兮逾肅霜羅曳曳雲錦披披鴛鴦  
褥弓翡翠憇白羽扇弓青絲履垂玉鸞之珮若往而若還  
戴金雀之釵不長而不短其居處也曖曖昧昧陰閉陽開  
其被服也煌煌熒熒霞駁雲蔚鼎俎則麟胎鳳卵丞蕙然

莫餌膳則木蜜金膏玉漿瓊酒當是時也合五岳訊九魁  
選太陰命玄闕馮夷鳴鼓女媧清歌左蒼龍兮吹篪右白  
虎兮絙瑟金真拂座玉女焚香肅肅習習天媛來風雨秀  
秀霏霏神姬下霜雪孔雀飛而儀鳳舞弄玉邀歡軒車合  
而羅騎陳智瓊倍宴麻姑服道變海水而來遊織婦希風  
填河津而下謁洛妃綽約江妃絲渺玄女以明月爲珠素  
女以積雲作髻九天真母八極夫人畢集於茲矣青霞衣  
兮翠雲裘靈連蜷兮既留車迴風兮馬飛電視倏忽兮無  
見昔者濟陰山下降堯母之精靈湘川水曲留舜妃之嚮  
像壇壇或在徒聞分福之名棟宇不修誰辨安歌之處豈  
知夫三仙福地百姓尊祠挾王者之都畿當聖人之順動  
犧牲玉帛可以洽氣和神幼婦外孫可以披文相質處奉  
綸旨式陳壯觀雖周人作詩自得后妃之美而魏臣獻賦



終慙神女之工敢作銘曰

九州地險五岳天中蛟龍洞穴日月仙宮蓄洩雲霧震蕩

雷風笙歌近接鍾鼓遙通其其在媯帝洪泉未塞昏墊下

人汎濫中國於鑠大禹顯允天德龍畫旁分螺書編刻其

佩文北海省土南方還從碣石更下台桑予娶有禮我都

攸昌八年不顧四載惟荒其宛委既登輟轅佇鑿家室誤

往熊羆方作天道幽秘生涯糾錯其化則遷其靈是託其

處妃之館仙女之臺物類通感精魂去來巫山廟立漢水

祠開墳壇歲古棟宇年摧其皇矣大唐麗哉神聖膺圖受

籙體元居正赫赫高祖天有成命明明太宗於茲為盛其

重光累洽下武嗣文負辰而化垂衣以君三靈肝饗六氣

氤氲魚鼈咸若雞犬相聞其重譯請命殊鄰稟朔化及中

孚風移大朴天秩百禮人和萬樂汾水可遊峴山何龜其

隋巢舊說夏啓遺居盛德不泯嘉聲在諸周王轉蹕漢帝

迴輿聿懷降鑒其祀如初其虞衡掌木班儁葺宇虹亘梅

梁龍盤挂柱草積庭院水周堂庶石室置儔軒宮為輔其

珠簾洞卷玉座含清金翠玳瑁羅縠輕明儀形若動侍衛

疑生依稀有物倘恍無聲其帝子湘川天孫漢曲翩緜

縹眇躊躇躑躅神女弄珠靈妃啓玉條來忽往星繁電燭

其壯矣麗矣神之聽之聰明是屬景福無欺夫人立館

幼婦鐫辭巍巍皇室萬餘基其

少室山少姨廟碑

揚炯

臣聞崑崙集本西北之地二本無天門也則五帝處

其陽陸三王居其正地太集山東南之地二本無日觀

也則秦皇刻其石銘漢帝探其玉策故知建都邑正方位

劃文粹崇墉刻瀆必憑天地之險然後四海為家擁神



休尊明號叶時月同量衡必致山川之祠然後群神受職

少室山者山岳之神秀者二本無也憑河圖而括象文粹

用遁甲以集作開山發揮宇宙之精噴薄陰陽之氣壁立

而千仞削成而四方北臨恒碣猶如聚米南望荆衡財文粹

同覆篲共工氏觸皇天之八柱未足擬議龍伯人釣溟海

之五文粹山無階響像考於含神霧文粹白玉猶存驗於

山海經黃花不落其名有序則太室西徧其位可知則嵩

高佐命若乃乾坤之所合雷雨之所交仰躔七星之野俯

鎮三河之曲朝市臨於域中樞機正於天下六合交會於

是二本有有天帝之下都九州名山於是二本有有靈仙

之窟宅臣謹按少姨廟者則漢書地理志嵩文粹高少室

之廟也其神為婦人像者則故老相傳云啓母塗山之妹

也昔者生于石紐水土所有二本致其功娶于塗山室家

所以成其德后宗之位象南宮之一星外戚之班比西京

之列傳惟幾不測其道無方騁神變而揮霍降精靈而盱

纒亦猶蔣侯三妹青溪之軌跡可尋虞帝二妃湘水之波

瀾未歇何止祠稱丁婦廟號勝二本姑少女宅於西宮夫

人館於南岳山臨白岸空聞石室之靈浦對青崖獨有金

臺之異若斯而已矣年文粹更魏晉數歷周隋四望於是

莫修八神以之無主炎涼代序寧觀俎豆之容霜露霑衣

非復絃歌之地國家乘天造之草昧屬人謀之與能奄有

大寶遂登神器天地水火之無象則女媧氏補之於是乎

鍊其五石東西南北之失位則神農氏立之於是乎甄其

四海天皇貴與天乎合德富與地乎侔資窮變化之道二本

理作盡神明之數伏羲畫卦唯觀鳥獸之文黃帝垂衣蓋取

乾坤之象利兼於成器功周於備物瑤臺美化闡邦國之風



猷銀榜嘉聲備

集作美文  
粹作茂

君親之典禮稱才子者八族則

叔獻季狸有亂臣者十人則太顛閔夭若夫圓丘方澤所

以饗天神地祇復廟重欄所以序文昭武穆命秩宗之位

分太宰之官考虞夏之質文定殷周之損益其大禮有如

此者高陽有飛龍之樂如會八風帝舜有儀鳳之音初調

九奏后夔典其教制氏辨其聲鍾磬笙竽

二本作  
竽瑟

致其和

尊卑長幼成其序其廣樂有如此者太微營室明堂布政

之宮白獸蒼龍象魏懸書之法下應猶草王言如絲北辰

而拱衆星南面而朝天下其爲政有如此者糾萬人者施

之以八刑詰四方者戒之以三典畫衣不犯載酒無寃免

禽獸於網羅備

二本  
依納

寰瀛於軌物其恤刑有如此者周人

之養國老始闢西膠漢氏之召諸生初開太學辟雍所以

行其禮泮宮所以班其教

二本  
依政

童子三

一本  
依五

尺羞談

文粹  
依稱

霸后之臣冠者六人唯述明王之道其文德有如此者涼

風至司馬於是乎陳兵太白高將軍於是乎宜戰乘斗杓

而誓旅出星門而拔鉞莊周稱天子之劍舉之按之呂望

言聖人之兵如風如雨其武功有如此者稽其殷寶

二本  
依令

有文犀利劍之効珍考其周書有茲

文粹  
依緒

白乘黃之騁力

東漸西被南馳北走盧敖之窮觀六合不出於城隍陶侃

之飛入八門未游於仙

二本  
依宮

室其疆理有如此者察璿璣

而平大運天回地游吹玉律而部人時陽動陰靜烟雲蕭

索而合彩日月淑清而啓旦豈直鳳巢阿閣入軒后之圖

書魚躍中舟稱武王之事業其休徵有如此者然則囊括

混沌發揮生靈太庭不足使駢乘驪連不足使扶穀可以

會玉帛可以答靈祇行聖人之大孝既郊祀而宗祀昭帝

王之盛節亦因天而事天猶復下聽輿人旁求故實以爲



唐堯五載無聞太室之儀殷帝八遷未卜王城之地是用

陳圭置泉建周后之兩都制二本蹕鳴鑾巡漢皇之中岳

熒惑先列招搖在上隱天二本有動地欲文粹野二本有

歎山旌旗則日月運行鍾鼓則雷風相薄道伊闕捷轅轅

怡然肆二本望邈乎周覽壯靈山之雲雨仍求載祀之經

對閑寢之丘墟思秩無文之禮於是降天渙命司存因其

舊跡算其新廟詳費務議工徒下隴蜀之明材致荆藍之

寶玉易者言乎伉使人文粹忘其勞詩者歌乎子來成

之不日東西膠葛文粹南北崢嶸繡柳兮雲捐光照耀

兮奪日二本挂棟文粹蘭撩氛集氲作氲弓襲人皎日登於綺

一作疏奔星下於閨闈珠簾璫匣上高閣而三休金柱銀

攔二本巡步廊文粹而中宿窮山海之瓊寶盡

人神之壯麗豈直文粹河庭具闕俯鏡文粹馮夷之都

洛水瑤壇旁臨處妃之館爾其巖嶂重複岡巒左右青霞

起而照天白露二本生而匝地餘基隱嶙仍知萬歲之

亭古水摧殘尚變三本三花之樹明公舊祀棟宇岩堯仙

女層臺風煙爛熳文粹軒轅之訪大隗二本乞二本作

求牧馬之重太一之銜少君直下乘龍之使夫峻極也夫

帝因而會昌夫降神也景福由其興作於是乎躬之以明

德聽之以和聲可以羞澗溪沼沚之毛可以剪漢汗行潦

之水聰明正直惟鬼神而有知玉帛犧牲在文粹陳信而

無愧日之吉靈之來蜿為旌兮翠為蓋雷為車兮電為策

鼓之以南箕風嫋嫋而先路潤之以西畢雨冥冥而灑道

其始至也若海靜山空曠曠照白日於扶桑之東其

少進也若移星轉漢祭祭爛爛吐明月於瀛洲之半佩

珠璣而的文粹樂襲羅紈二本而飄颻建晨嬰之寶冠踐



遠游之文履命儔兮，嘯侶徒倚兮，徘徊群仙畢集，衆靈咸至。有西華之紫妃，有中黃之素女，華山之上，飛二本星遠依明。燭陽臺之下，暮雨潛通，或瓊室而依文粹飛霞，或銀臺而薦樂。天孫忽降，斲停支石之機，神女相觀，即起投壺之電。左侍右衛，則甲申之瓊石，乙巳之蘭蕭，妍倡妙妓，則憑悅之清歌，幽靈之鼓瑟，樂章既闕，禮容斯備，回風兮雲旗，入不言兮出不辭，荷衣兮蕙帶，倏而來兮忽而遊，惟神享德降百福，而無疆，惟岳配天，視三公而有典，昔者夏后氏之乘四載，仍開宛委之圖，周穆王之御八龍，猶紀奔二本山之石，況乎上照下漏，天平地成人，主宅中旁，羅於宇縣，山靈顯位，密邇於神州，豈使令德不傳，頌聲寂二本無紀述此字。由是三天降策，有南霍之升依文粹儲八效，鐫銘有西王之服道，魏國鍾繇之字，唯勒歲年，晉家張載之文，遂

承明制

二本

其詞曰

上帝有命，皇天無親，樹之元后，以牧蒸民。唐諱二光宅六合，懷柔百神，德成郊祀，禮備宗禋。其軒稱配永，崑墟帝出，堯號則天，汾陽詔蹕，觀人設教，叶時同律，有感必通，無文咸秩。其皇家啓聖，受命于天，上鍊五石，旁疏百二本川開階，運斗宅海，乘軋王母，益地周公，卜年其天子建德，重規疊矩，聖敬日躋，宗文祖武，範圍三極，和平萬宇，率由舊章，粵若稽文粹作此古璇宮夜敞，銀榜朝開，德象陰月，聲衆二本震雷，山河翼載文粹星緯，鹽梅能事，畢矣軋元大哉。其定制禮功，成作樂，日月旗二本常夏殷，正朔德溥二本天外，文明地角，氣白星黃，風搖露濁。其兩京幾甸，五載巡遊，驅馳太一部，列蚩尤，將見大隗，爰尋許由，迴鑿躑躅，寓目周流。其鬱鬱靈鎮，巖巖積石，直上五千，去天三百



帝休非遠真經可觀石室徘徊瓊膏滴瀝其山唯二本依堆地

德神即陰靈瑤姬逐雨玉女隨星陰陽不測黍稷非馨倏

忽年代荒蕪廟庭其旁求祀典載垂天漢三本依漢始制二本依詔

林衡俄成壯觀紫柱文粹星錯丹梁霞煥似對青溪如遊

集作白岸其文狸赤豹電策雷車隱隱中道訇訇大虛遂

停龍駕永託神居天迴地止露歇雲除其衆靈駸暘文粹

易作群仙容與衡岳夫人漢濱游女洛川解珮天河弄杼顧

暮招携續紛傳侶同聲同氣文粹作同聲爰笑爰語其于以

採蘋南澗之濱于以採藻于彼行潦吉日文粹作日吉芳辰

良浴蘭湯芳沐芳揚抱芳拊鼓奠桂酒芳椒漿神其醉文粹

萃止降福穰穰其十

后土神祠碑

并序

玄宗御製 張說詞

古之王者皆受天命禮樂有權神祇是主郊兆所設雖定

於厥居精靈所感則通乎其變一作大抵一作歸正旁行

不流唯創制者為能之亦安在守文而已肱上祠者本魏

地鄭丘之舊而漢家后土之宮汾水合河梁山對麓地形

惟壻一作天然詭異龍岬岫以一作特起忽盤紆而斗絕

景象相傳肝蠻如在有物不可以終否有典不可以遂廢

故推而行之神而明之歲在癸亥始有事于茲焉在昔后

王時邁省方柴燎告至幽隱胥洎大舜則三一作載一巡

武帝則三歲一祭古今代變四字一作今人神禮煩朕就

為損益折以法度一紀再駕亦無間一作焉二十年冬勒

兵三十萬一作逾萬旌旗徑一作千里校獵上黨至于太原

赫威戎于朔陞沛一作展義於南夏肆觀群后道有以大

備懷柔百神文無而威秩先是有司宿設恪敬乃事已未

師次一作于齋宮庚申親祀于后祇聖考在天侑而作主



何禮不舉靡神不徧往者漢氏之祠也牲以養牛五歲靈  
粟所以貴其誠藉以采席六重藁藉一作不得尚其質事  
與古反或作義不經見朕因其地而不因其儀取其得而  
不取其失凡牲幣法物之事歌舞接神之類咨故實於方  
澤不遂過於元鼎此皆公卿大夫鴻生鉅儒獻其方聞臣  
於不逮朕何有也且王者事天明事地察示有一作本教  
以孝柰何郊丘之禮猶獨以祈穀爲名者耶於戲享于至  
誠錫以繁祉黃雲蓋于一作神鼎絳光燭于一作靈壇自  
昔已然乃今復見斯固陰精有所寓寶氣爲不巫雖寂寥  
而不動亦動之而斯應顧朕之不德靈感何從賴累聖儲  
祉福流所致乃眚災肆赦與物更始大賚天下有慶兆人  
山川鬼神鳥獸魚鼈莫不允若莫不咸寧此所以承一作  
覆載報生殖資元元盡翼翼豈與夫封禪有牒專在求僊

秘祝有辭密于

一作

移過而已其銘曰

至哉坤元萬物資生王者母事德合天明義者大報用叶  
永貞洋洋九土思索其精因天事天因地事地彼汾之曲  
高旌傑異景象遺光壇塲舊位寂寞一作千祀精靈永一作  
閱誣神不祥復古惟祺文所無者秩而祭之矧曰右土昔  
載明祠何必國一作陰乃爲我師意多漢武跡在橫汾風  
流可接簫鼓如聞壽宮創制神鼎勒勳古往今來豈無斯  
文

溧陽瀨水貞義女碑

李白

皇唐葉有六聖再造八極鏡清

集本文粹

萬方幽明咸熙

天秩有禮自太

二本無

古及今君君臣臣烈士貞女采其

文粹有史

名節充章可激清頽俗者皆埽地而祠之蘭蒸

椒漿歲祀罔缺而茲邑貞義女光靈翳然埋真文粹古遠



琬琰不刻豈前修博達者為邦之意乎貞義女者溧陽黃  
山里史氏之女也以家溧陽史聞書之歲三十弗移天于

人五字文粹作清英潔白事母純孝手柔美而不龜身漂

擊文粹以自業當楚平王時王虐忠助讒苛虐厥政變於

尚斬于二本奢血流于朝赤族伍氏怨毒於人何其深哉子

胥始來二本奔勾吳月涉星道或七日不火傷弓于飛通

迫于二本昭關匍匐於瀨渚捨車而徒告窮此女目色以

臆授之壺漿金二本人自沉形與口滅卓絕千古聲凌浮雲

激節必報之讎雪誠無疑之地難乎哉借如曹娥潛波理

買於孝道聶姊殞肆槩動于天倫魯姑棄子以却三軍之

衆漂母進飯沒受千金之恩方之於此彼或易耳二本卒

使伍君開張闔閭傾蕩鄙鄙吳師鞭屍於楚國申胥泣血

於秦庭我亡爾存亦各壯志張英風於古今雪大憤于天

地微此女之力雖亡為之士亦焉能咆哮二本赫施于

後世耶望其溺所愴然低回而不能去每風號吳天月苦

荆水響像如在精魂可悲備昔集作按金有泉而刻石無

主哀哉邑宰榮陽鄭公名晏家康成之學世子產之才琴

清心開百里大化有若主簿扶風竇臺賓縣尉廣平宋陟

南郡陳然丹陽李濟二本此清河張昭皆有卿材霸略同

事相協緬紀莫淑勒銘道周雖陵頽海竭文或不死其詞

曰

粲粲貞女孤生寒門上無所天下報母恩春風三十花落

無言乃如之人擊二本漂清源碧流素手縈波二本潺湲

求思不可秉節而存伍胥東奔乞食于此女分壺漿滅口

而死聲動列國義形壯士入郢鞭尸還吳雪耻投金瀨汜

報德稱美明明千秋如月在水



湘源二妃碑

柳宗元

元和九年八月二十日湘源二妃廟災司功掾守令彭城  
 劉智集作知剛主簿安邑衛之武告于州刺史御史中丞清  
 河崔公能祇栗厥戒會郡吏洎衆工發開元詔書懼廢守  
 祀搜考羸羨均節委積咸執牘聿至于祠下稽度既備傭  
 役惟時斬木于上游陶埴于水涯迺擇迺載工逸事遂作  
 貌顯嚴粲然而威十有一月庚辰陳賁薦詞立石于廟門  
 之宇下唯父子夫婦人道之大大哉二神咸極其會爲子  
 而父堯爲婦而夫舜齊聖並明弼成授受內若器贄上承  
 輝光克艱以乂德罔不至帝既野死神亦不返食于茲川  
 古有常典毆笮矣孽恢宣淑靈敢或失職以奸天刑有翼  
 其恭有茲其馨況牲爰告即石是銘銘曰  
 淵懿承聖舜妻克女德刑媯汭神位相許揆茲有初克碩

厥宇命秩其祀

集作唐命秩祀

茲邑攸主毛牲既肆

柳州本依調

椒馨

爰糈胤于萬年期保伊祐

集作替

火燭孽炆于融風神用

播遷時罔克龔邑令羣吏告于君公庶用積餘以就爾功

撐木負埴載流于江旣夷以成崇宇峻墉潔嚴清閑左右

率從神樂來歸徒御雍雍神旣安止邦人載喜奉其吉主

集作玉

以對嘉祉南風潏潏湘水如舞將子無謹神聽鍾鼓

豐其交報邦邑是與刻此樂歌以極終古

文苑英華卷第八百七十八

登仕郎胡

柯

鄉貢進士彭

叔夏

校正



文苑英華卷第八百七十九

祠神廟二

燕支山神寧濟公詞堂碑一首

南海神廟碑一首

河瀆神靈源公祠廟一首

燕支山神寧濟公祠堂碑

揚炎

西北之巨鎮曰燕支本匈奴王庭昔漢武納渾邪開右地  
置武威張掖而山介一作界二郡間連峯委會雲對黛起積

高之勢四面千里陽崖有枯栢之材備斡革陰整有堅剛之  
璞化五兵維人氣雄其蓄多馬虜得之以制陰國主天街

周以之興秦以之霸漢得之以斷右臂却南牧西距于海

北瀦一作經于河自外而望上也熊熊一作維乎一氣旁陰朔

鹵前衝塞門與積石來朝崑崙長一作負泊陟蒼蒼臨峻極



則形變六合空同大荒青冥在混元之中絕壁揭宇宙之外  
外舊史云封祀之山八中國之外三自夏缺壤一作秩奠漢疆

土宇一作漢時更百王四字一作于時莫能配天其意者將續禹之

業以俟聖人乎維唐百一作之三十載賁玄化之紀息金革之

虞一作金澤一作于聖澤於是左丹穴右崆

峒古而一作未賓咸頌首于路門之外天子登神宮勒金版

將復美于郡一作義岳告成于昊蒼議夫一作此山天合氣

以正秋方地與神以主西國一作而俾蚪螭者為師為旅貔

虎者為妾為臣不在於巨靈乎其封神為寧濟公錫之繁

帶備厥禮物詔邦牧太子少保哥舒公卜吉日築臺一作無

靈祠于高麓之陽每歲盛秋以笙鑄之器錡釜之品率封

內以望之索群神以會之臣旅師氏旄頭弩牙金鼓七校

車徒十萬從饗于廟庭大閱于山外一作無所以固一作天界以

崇聖功乘地險而恢遠略也觀夫叢崑懸抱煙雨屑宰宮

庭晃其閑一作暮林石古而幽陰神其居官一作可以禱安靖

矣樹一作空桑變鍾石神其聽之可以感和樂矣大玉通帛

熊蹯挂漿繫其傾筐采章一作煌煌神其歆之可以祿永

一作年矣維石巖日月不老維靈是與生此熊羆神其薦之

可以奉吾君矣於戲陳信克享正詞幽感宜乎有祈而降

有祭而歆龍也無風雨之憊也一作也無氣焰之作此神之

職又何羞焉乃作頌曰

揭靈山方天地界勢奔壯一作方風雲駭峯龍有一作方

入天門氣蛇變一作方破滄一作昏祐自天方得終古被一作

筆蟲方駕朱虎一作皆唐文粹一

南海神廟碑

韓愈

海於天地間為物最鉅自三代聖王莫不禮集本文事考



於傳記而南海神次最貴在北東西二本有三神二字河伯之上號

為祝融天寶中天子以為古爵莫貴於公侯故海岳之禮

二本儀幣之數放而依之所以致崇極於大秩祭祀與

之意也由是固尊南海神為廣利王祀祀二本號祭祀與

次俱升因其故廟易而新之在今廣州治之東南南海道

八十里扶胥之口黃木之灣常以立夏氣至命廣州刺史

行事祠下事訖驛聞而刺史常節度五嶺諸軍仍觀察其

郡邑於南方事無所不統地大以集注遠故常選用重人

既貴而富且不習海事又當祀文粹時海常多大風將往

皆憂戚既進觀顧怖悸故常以疾為辭文粹而委事於其

副其來久矣二本故明宮齋廬上雨旁風無所蓋障牲

酒瘠酸集注取其臨時水陸之品狼籍蓬豆薦裸興

俯不中儀式吏滋不恭神不顧享盲風恠雨發作無節人

蒙其害元和十二年始詔用前尚書右丞國子祭酒魯國

孔公為廣州刺史兼御史大夫以殿南服公正直方嚴中

心秉直二本祇慎所職治人以明事神以誠內外單盡不

為表裸至州之明年將夏祝罔有自京師至吏以特告公乃

齋被視罔誓羣有司曰罔有皇帝名乃上所自署且文粹

具其文曰嗣天子某謹遣某官敬祭其恭且嚴如是敢有

不承明日吾將宿廟下以供晨事明日吏以風雨白不聽

於是州府文武吏事凡百數交詞二本更諫皆揖而退

公遂升舟風雨少弛擢夫奏叨雲陰解駁日光穿漏波伏

不與省牲之夕載陽載陰將事之夜天地開除月星明擬

五鼓既作牽牛正中公乃盛服執笏以入即事文武實屬

俯首聽位各執其職牲肥酒香罇竿二本靜繫降登有數

作齋



神且文粹作其醉飽海之百靈祕怪恍惚畢出蜿蜿蛇蛇宋本作

來享文粹飲食闔廟旋艦祥飈送飄旗轟旄麾飛揚掩蕩

鏡鼓朔轟高管噉噪武夫奮棹工師唱和穹龜長魚踴躍

後先乳端坤倪軒豁呈露祝二本之之歲風災息滅人厭魚

蟹五穀豐二本熟明年祀歸又廣廟宮而大之治其庭壇

攻二本作東西兩序齋庖之房百用俱二本脩明年其時公

又因二本往不懈益處歲仍大和老至艾歌詠始公之至盡除

他名之稅罷文粹無衣食於官之可去者四方之使不以資

交以身為師燕享有時賞與以集注節公藏私蓄上下

與足於是免文粹有屬州負逋之緡錢十有八萬集注作二

三萬八千二本作八斛賦重二本之州耗金一歲八百困不能

償皆以丐文粹之加西南三本作守長之俸誅其无良不

聽令者由是皆自重慎法人士之落南不能歸者與流徙

之曹百二十八族用其才良而廩其無告者其女子可嫁

者與之錢財令無失特刑德並流方地數千里不識盜賊

山行海宿不擇處所事神治人其可謂備至耳矣咸願刻

廟石以著厥美而繫以詩乃作詩曰

南海陰集作墟祝融之宅即祀于旁帝命南伯吏墮不躬

正自今公明用享錫曰文粹我家邦惟明天子唯慎厥使

我公在官神人致喜海嶺之陬既足既濡胡不均弘俾執

事樞公行勿違公無遽歸匪我私公神人具依

河瀆神靈源公祠廟碑 王延昌

中國經瀆河為長上應析木下朝扶桑演崑崙踰積石繚

大漠經龍門灌注九州之間經營萬里之外鱗介所宅神

靈所一作都玄冥總之以命官憑之以為伯唐堯觀諸龍圖

肇見周公沉璧榮光發祥元符之來虺炳彰灼古先哲后



罔不欽崇奠封居之儀脩壇墀之制存乎祀典代以爲常  
則班固序漢書所謂河祠臨晉是也備其南直太華左隣  
中滌渭水過其傍汾隴揭其後風雲相盪精氣交馳一作于  
以禮神事之宜也不然發源自遠地則多浸一作綿胡爲不  
照晰於他邦獨受享於茲土前賢經始抑有其由至於春  
以泮凍秋以涸流漢書作東初以歲禱終以報祈嘗醪有加駟駒  
是薦蓋以在雍州之域通天子之都地既稱雄禮云異數與  
夫雄流桐栢江出崕山僻在遐方莫我京也幽贊之力實  
穎河公以潔爲清瀾至於數四息昏墊之苦絕羨溢之憂  
濱河之人闕無大害此靈長之德上善之功也祈以正直  
享以精誠未嘗不誘其衷而降之吉也或進以便佞言以  
矯誣未嘗不奪其魄而貽之禍也歲大旱而作霖雨時大  
札以惠嘉生依仁而行唯德是輔天寶歲安祿山稱兵朔

裔肆逆東夏燿燿崩鑠烝人蕪焉宗社有綴旒之危士庶

畜阽危

一作原

之懼太上南幸肅宗北巡賊相張儒據有長安

賊將崔乾祐固守蒲坂今關內河東副元師中書令汾陽

郡王郭公特爲兵部尚書門下平章事朔方節度使討兵

誓衆超百二之險謂此邦底定則京邑可圖虔禱于河潛

軍以徃金鼓掩夜渠魁出奔遂收蒲城神所道一作也及

師次渭汭陰霧晦冥公假寐之際夢河神謂曰永豐倉側

將有急變不如速退姑以避之比全軍及郊虜已雲合克

違寇難神所扶也其後李國貞之遇禍公復總戎故絳僕

固懷恩之逆命公又出鎮河東大君日旰食中外騷擾公

獨奮無前之勇馳不測之深始按節而來終奠醑其邁所

謀必克無往不平再安叛渙神所相也爰自兵亂以迄于

今時更十年代一歷二聖國之氛霾推河公蕩滌國之士宇



惟河公廓開國之忠良惟河公保佑國之奸慝惟河公殄  
摧誠靡幽而不應澤罔微而不該得一以靈不其宜哉汾  
陽王深惟據我屢宗昭報奉牲玉莫敢愛也致精意未嘗  
怠也每蠲吉曆選自郊徂宮奠于堂戶之間則神之昆弟  
具在酌于屋漏之內則神之伉儷攸居文墨國語墨文尋常  
之間注云五尺  
墨相望男女無別公曰人神之主也禮政之源也人有上下  
則禮有內外之制人所謂否神具可考蓋築館于後以  
安靈匹乃諮于副元師副使太子賓客御史大夫知河中  
府事崔公寓量功命日而後役於河西縣大夫李開不徵  
貨財不殫日力曾不踰月克復于成大廈耽耽鬱其特起  
內寢既立神儀穆然於是蓬危髮禿之老王端等進而稱  
曰大河浩蕩弊邑之望也自公杖鉞三至我里靈應所纒  
未嘗或欺國之克復實始於此安天步於艱危定人心於

繹騷大君成湯武之功賢相保桓文之業皆神之由也矧  
內寢棘翼今茲有成此而無述何以示後願刻樂石以彰  
厥庸公教曰諸公之辭固不可抑頌祇則可無推美於予  
墨客聞一敢繫辭曰

浩浩長河中國之紀洪流激射橫制地理蒸雲吐雲霧薦  
圖効祉是日經瀆斯為德水聖唐六葉巨猾挺災音慝揮音慝

舉也子維長楊賦鹿城  
掉邑或作瀟湘

邑鹿城如霆如雷汾陽矯矯杖鉞而來乃臨蒲

坂神實先道一作乃亂渭川亦亦疑晉告嗟我上相神之所

勞汾陽之德溫恭正直柔嘉維則忠勤是力秉心泉塞不

測不克東西南北勦絕奸慝入登九命一人是毗出統三軍

四方是維三言祐之河公降禧衆神在列曾未慝別公

為之節內寢攸設寢廟亭亭中外有經濯濯厥靈妃偶攸

寧於戲祠宇焜耀中土在河之澗在城之下刊茲片石昭



灼千古

文苑英華卷第八百七十九

登仕郎胡柯鄉貢進士彭叔夏校正

文苑英華卷第八百八十

碑三十七

家廟一

此下三卷英華所編失作者先後今正之

崔太師家廟碑一首

郭子儀

元題作英又郭

家廟碑一首

烏氏家廟碑一首

故中書令

一作贈太子師崔公廟碑

韓雲卿

戊申年

一作歲

六月尚書右

一作左

僕射趙國公圓薨天子罷

朝三月喪禮贈賻加異常數詔贈太子太師謚曰某

唐書謚昭襄

嗣子褒遵荷先訓躬率舊禮五月而葬二十五日而祥既

祥

一無此

始立廟于

七寸

一作二

從四尋衡八尋三尺

一作五

楹外垂四阿巧

瑱采椽

一作不施

丹雘齋宮饗室庭垣榑之因

述

二字一

族氏勲躅諸路

一作清顯

銘其德曰

一無

太師崔姓

作清

一無此字

河東武城人也系于齊著於漢荷先少師



之教純孝溫重稟受元和締武經文為國梁柱職臣祿山憑  
犯河華玄宗順動南巡一作蜀漢公為居守有扶翊再造  
之勲函洛阻絕人罹一作蠱毒肅宗振旅胡陞戡一作靜  
禍亂公為宰衡有翼贊匡一作復之謀山越之難河泗之  
竟一作准公領揚州宣風淮楚有翦攘威鎮之績於惟茂  
勲莫為疋一作茂勲禮曰以勞定國則祀之能御示大  
災則祀之能捍大患則祀之是宜廟食以銘于鼎以九月  
初朔之日寢廟既成庭除既平備器撰服潔儉中禮一作  
潔服儉先享七日致齋具物水草陸產醴酪牲牲之備外  
盡物也色溫行恐一作身訕意愉如擻不及內盡志  
也禮卒奠撒齋莊之色如存焉歎息之音如聞焉君子  
曰吾觀崔氏之享有以知禘嘗之義焉古者諸侯立五廟  
廟有鼎與樂有國之制侯伯有爵而無土上廟有鼎祭有

樂不克立五廟而立三廟不明于目鼎而銘于碑其銘曰

顯顯太師天孕鴻才恢張碩勲光照台階一作輝惟昔好

兇蝕恩一作息犯順乘一作當將無虞區城一作字駭震玄宗南

巡功著巴岷肅宗戡復勲揚罔牘彌廓一作銷氛侵宣明日

月於惟太師誰將此烈爰自鼎司出鎮淮夷外有亂虜內

有疑師欽和畏威遠邇來思於惟太師為國藩維功以殲

災勞以定國詳考典祀禮存廟食爰立寢廟不忘儉易卑

不狹陋廣不踰制耗疑作髦髦漢鮑宣傳竭髦孝子愉

愉其志齋莊愨誠庶備俎豆斯設神將來暨歲時迭

移霜露存至德流慶迄昌庇後嗣從爰自至此文粹無

一作皆唐文粹

郭子儀家廟碑

顏真卿

昔申伯翰周降神於維岳仲父匡晉演慶於筮淮而猶見



美詩人騰芳史冊豈比夫神明積高之壤百二懸隔之都  
三峯發地而削成九流浮天而噴激灼靈毓粹萍葉生賢  
括宇宙而稟和惣河山而蘊秀莫與京者其唯郭宗乎其  
先蓋出周之號叔號或爲郭因而氏焉代爲太原著姓漢  
有光祿大夫廣意生孟儒爲馮翊太守子孫始自太原家  
焉後轉徙於華山之下故一族今爲華州鄭縣人夫其築  
臺見師瘞子致養家承金穴之貴政有露冕之高或哲或  
謀或肅或乂皆海有珠而鳥有鳳也閱閱之盛其流益光  
隋有金州司倉諱履球府君懋其德輝不憎下位克已復  
禮州邦化焉篤生唐涼州司法諱昶府君能世其業以伸  
其道遠近宗之不隕厥問生美源縣主簿贈兵部尚書通  
府君清識澈照博綜郡言始登王畿鬱有休稱道悠運促  
靡及貴仕垂于後昆沒而見尊是生我諱敬之府君府君

幼而好仁長有全德身長八尺二寸行中潔矩聲如洪鍾  
河目電照虬鬚螭磔進退閑雅望之若神以仲由之政事  
兼翁歸之文武始自涪州錄事參軍轉瓜州司倉雍北府  
右果毅加游擊將軍申王府典軍金吾府折衝兼左衛長  
上原州別駕遷扶州刺史未上除左衛威左郎將兼監牧  
南使渭吉二州刺史侍中牛仙客題君清節奏授綏州遷  
壽州累加中大夫策勳上柱國以天寶三載春正  
月十日遘疾終於京師常樂坊之私第春秋七十有  
八元三年春二月以公之實胤開府儀同三司司徒兼中  
書令上集無柱國汾陽郡王曰子儀有大勳于王室乃  
下詔曰故中大夫壽州刺史郭敬之累君子之行毓達人  
之德才光文武政美中和生此大賢爲我良弼頃以孽胡  
作亂黔首罹殃朕於是鬱鬱興神武之師克掃穢滄之氣而



子儀帥彼勁卒赫然先驅取京洛如拾遺剪凶殘猶振槁功  
存社稷澤潤生人是用寵洽哀榮義申存歿累追贈太  
保於戲府君體舍私之素履秉冲邈之高烈言必主於忠  
信行不違於直方清白爲吏者之師死生敦交友之分端  
一之操不以夷險繫集作變其懷聖明之姿不以雪霜易其  
令用情不間於踈遠泛愛莫遺於賤貧拳拳服膺終始靡  
二故所至則化所去見思人至于今稱之斯不朽矣傳曰  
盛德必百代祀其有後也宜哉恭惟令公先皇之佐命臣  
也少而美秀長而瓌偉姿性質直天然孝悌寬然無比騎  
射絕倫所莅以清白見稱君常以經濟自命弱冠以邦鄉  
之賦驟膺將師之擧四擢高第有聲前朝三將爲軍再  
守大郡累典兵要必聞休績天寶末安祿山反於范陽令公  
以節度使擁胡方衆圍高秀巖唐書作巖於雲中破史思明於嘉

山先皇集無字帝之幸朔方赴行在于靈武擊同羅於河曲走  
崔乾祐于蒲坂今上之爲元師也首副旄鉞會迴紇於扶  
風崔兇寇於汶水追餘孽於陝服長驅河洛弼成眷圖再  
造生靈克清天步又凶夏之未久安天下之未安一年之間  
區宇大定丕休哉徒觀其元和降精間氣生德感星辰辰  
而作輔應期運以濟時忠於國而孝於家威可畏而儀  
可象盛德繫物寬身厚不用人由已從善如流沉謀秘於鬼  
神精義貫於天地推亦誠而許國冒白刃以率先霆擊於  
雷雨之初鷹揚乎廟堂之上凡二歷鼎司兩升都座四作  
元帥九年中書歷事二聖厥德維懋易相二十而受遇益  
深蓋剋復上都者再戡定東京者一其餘麾城掉邑得雋  
摧鋒亦非遠數之所周也信可謂王國之虢虎生人之陰  
麻者歟非太保之邁種不孤則何以鍾美若是况乎友于



著睦饗龍虎者十人貽厥有光紆青紫者八九勲庸舉集  
今古莫儔昔奮號尊榮紅粟纒霑於萬石憚家全盛朱  
輪不出於十人繇我觀之事不作焉於是乎清廟之興  
所以仁祖考鴻伐之刻亦以垂子孫爰并制於舊居將永  
圖而觀德中堂有恤丕構克崇感霜露而怵惕以增叙躬  
穆而敬恭斯在庶乎觀盟顯若既無斁於永懷入室優然  
必有覲乎其位哀榮既極情禮用申仁人之所及遠哉孝  
子之事親終矣豈唯温温孔父遠稱讒鼎之銘穆穆魯侯  
獨美龍旂之祀其詞曰

郭之皇祖肇之統土逮乎後昆實守左輔徙華陰兮源長  
流光施于司倉涼州兵部克熾而昌載德深兮篤生太保  
允懋厥道神之聽之永錫難老式如金兮於穆令公汾陽  
啓封文經武緯訓徒陟空簡帝心兮念一不格于天地

愷悌君子邦之攸暨昭德音兮芝馥蘭芳羽儀公堂子子  
孫孫爲龍爲光鏘瓊琳兮乃立新廟肅雍克劭集作神保  
是聽孝思孔炤亶居歆兮乃立高碑盛美奚攸章移之鼓  
或作日月有旣微猷永垂映來今兮致用

河陽軍節度使烏公先廟碑 韓愈

元和五年天子曰文粹盧從史始立議用師于相乃陰與

寇連夸謾兇驕出不遜之集本文粹言其執以來其四月

中貴人承璫即誘而縛之下其皆甲以出操兵趨譚牙門

都將烏公重胤當軍門叱曰天子有命從史文粹無有賞敢

違者誅二本於是士皆斂兵還營卒致從史京師壬辰詔

用烏公爲銀青光祿大夫河陽軍節度使兼御史大夫封

張掖郡開國公居三年河陽稱治詔贈其父工部尚書其

以享廟四字二本作且即以其年營廟于京師崇化里軍



佐竊議曰先公既位常伯而先夫人無加命號名差卑於配不宜語聞言贈先夫夫人劉氏沛國太夫人八年八月廟成三室同宇祀自左領府君而下作主于第乙巳升于廟烏氏著于集作春秋譜於世本列於姓苑在莒者存在齊者文粹無有餘有文粹無枝鳴皆為大夫秦有獲為大官其後世之江南者家鄱陽縣處於二本無北者家張掖或入夷狄為君長唐初察為左武衛大將軍實張掖人其子曰令望為左領軍衛大將軍孫曰蒙為中郎將是生贈尚書諱承洽字某新唐書作承烏氏自莒齊秦大夫已二本來肯以才力顯及武德以來始以武功為名將軍二本元中尚書管平盧先鋒軍屬二本破奚契丹從戰捺祿走可汗渤海文粹作走可突于渤海上韓文舉正云許孟容烏承此碑作可突于又云勃海乃武藝也李邕本渤海海獲海上諸本至馬都山吏民逃死二本失業尚書領所

部兵塞其道塹原累石綿四百里深高皆三丈寇不得進民還其居歲罷運錢二十萬餘貫二本無黑水室韋以騎五千來屬麾下邊威益振二本無張其後與耿仁知謀說史思明降思明復叛尚書與兄承恩謀殺之事發族夷尚書獨走免李光弼嘉之二本作詔拜冠軍將軍守右威衛將軍檢校殿中監封昌化郡王右領軍使積粟厲兵出入耕戰以疾去職貞元十一年二月丁巳薨于華陰告平里年若干既集作葬於其地二子大夫為長子二本無季曰重元為其官銘曰

烏氏在唐有家於初左領右衛集作左二祖紹居中郎少卑屬于尚書不償其効二本乃相大夫授我戎節制有疆墟數備禮登二本作備以有宗廟作廟天都以致其孝左祖右孫二本作右爰饗其報去誰無子其有集作無孫克



文粹對無羞乃維有人念昔文粹平盧為報為瘁大夫  
承之危不棄義四方其平士有迨息來觀來齋以饋黍稷

文苑英華卷第八百八十

登仕郎胡柯 鄉貢進士彭叔夏 校正



